

**¶** Marbafftiger Bericht / welcher ge-  
stalt sich die Alte Stadt Mag-  
deburg / nach langer Belegung / an  
Kay. Maye. / das Reich / vnnnd  
Churfürsten zu Sachsen etc.  
ergeben hat.

I 5 5 I.









Nachdem vnnnd als mit der Alten  
Stadt Magdeburg/auff ihr viel-  
feldiges ansuchen/allerley manch  
feldige handlung/ auff der Ray.  
May. Capitulation gepflegen vñ  
vorgenommen/ Auch dieselbige an  
die Röm. Ray. May./ vnsern aller gnedigsten  
Derrn gelanget worden/ Darauff sich ire  
May. Resoluirt / worauff vnd welcher gestalt/  
entlich die von Magdeburg/ auffß hochgeda-  
chtes Churfürsten vnderthenigist berichte vnnnd  
bitte/solten wider an vnd auffgenomien werde/  
vnd in etlichen Artickeln/ ire Ray. May. Capi-  
tulation gemiltet.

Darauff seind die geschickten der von Mag-  
deburg/als bald seine Churfürstliche gnaden/  
diese tage ins Leger wider ankornien / zu dersel-  
ben auff vorgehende vogleitung heraus gezo-  
gen/ vnd das ihenige / des sich die Ray. May.  
entlich Resoluirt/bewilligt vnnnd angenomien/  
Vnd sich also an die Ray.May./das Reich/vñ  
S.Churf.B./vndertheniglich ergeben/vñ sich  
zu aller demut/so man von inen begeren würde/  
erboten.

Zunor aber/ehr S.Churf.B.sie entlich auffne-  
men wollen/haben sie/ das Rentter vnd Knecht  
Sehnelein/so hiebenor Johan von der Aschen-  
burg Renttern zu Gotterleben/ vñ den Knech-  
24 ten.

ten bey der SteinPugeln/abgedrungen/ seiner  
Churf. G. zustellen/dergleichē Hertzog Georg  
von Weckelburg/vñ ander gefangne vom Adel  
vnd sonst/one alle Kantzon/heraus müssen zie-  
hen lassen/Die dann S.Churf. G. in dem selbe  
stadtelich/vnd mit allen Tromfiettern vñ spielen/  
am nechst vorgangen Sonnabend des siebendē  
Nonembris/vmb zehen vhr zu mittage ange-  
nommen/ vnd sie mit freuden jnn die Newstadt  
gefurt.

Folgens hat der Churfürst sich ferner ge-  
gen jnen / der Kayserlichen Resolution gemess/  
ercleret/ welcher gestalt seine Churf. G./sie als  
der oberste Feltherr/von wegen der Kay. May.  
vnd des Reichs/annemen wolte/ Wiewol  
das Kriegsvolck sonderlich auch sicherung be-  
geret/ so ist ihn doch solches anderer gestalt/  
durch vnsern gnedigsten Herrn nicht zugesagt  
worden/dann das sie frey sicher/m̃ iren leib/  
hab vnd güttern/in ire gewarsam ziehen möch-  
ten/ Darauff dann abgeredet/das sie am  
nehern Sontag/des achten Nonembris/ aus-  
ziehen solten / Vnd wiewol sie jren Obersten vñ  
seinen Leuttenampt / zu seiner Churf. G. abge-  
fertiget / vñ vndertheniglich gebeten/jhnen  
gnedigist zuvorstatten / das sie diesen tag noch  
in der Stadt bleiben möchten/mit vorwundunge  
das sie noch nicht allenthalben bezahlt werben/  
So haben doch seine Churf. G. solchs/keines  
wegs

wegs gestatten wollen / vnd als sich im abzuge  
etwas vorzogen / hat seine Churf. B. ihnen an-  
zeigen lassen / do sie nicht als bald abzügen / das  
der fride aus vnd nichts sein solte / Darauff  
sie denselbigen Sontag / mit umbgeschlagenen  
Fehnlein ane gespiel / aus der Stadt gantz spath  
vmb vier vhr / biß gegen Schönbeck / zwoye meil  
weges gezogen / aldo der vollkommenden der  
Stadt zalunge zugewarten / Denen seind drey  
geschwader Rentter zugeordent / die sie zween  
oder drey tage gleitten / vñ dornach trennen sol-  
ten / Vnd seind der Knechte biß in zwey Tausent  
mit den Bürgers söhnen / welche sich schreiben  
lassen / vnd mit hinaus ziehen müssen / gewesen /  
zum mehrern theil hackenschützen / ihre Rentter  
aber / seind entzlen / zu dreien oder mehr pferden  
vorritten.

Vnd alsbald sie aus der Stadt gezogen / hat  
vnsr gnedigster Herr fünff wolbesetzter Fehn-  
lein Knecht / aus dem Oberlendischen Regiment  
inn die Stadt nein / zu besetzung der selbigen /  
ziehen lassen / vñ Wolffen Tieffriedter / zu einem  
Obersten darüber vorordenet.

Montags dornach hat seine Churf. B. den  
Einzug in die Stadt / der gestalt genomen.

Das erstlich zehen Fehnlein Knecht aus dem  
Oberlendischen Regiment / darauff S. Churf.  
gnaden Wofffahne / vnd zwischen der selbigen

214 vnd

vnd Georgen von Blanckenbergs Fahne/S.  
Churf. S. mit Fürsten/Graven/Herren/vnnd  
seiner Churfürstlichen gnaden Rathen / inn die  
Stadt gezogen/ Wie seine Churf. S. im  
einzuge gewesen/hat der Rath seiner Churf. S.  
die Schlüssel vor das thor gebracht/vnnd mit  
einer vnderthenigen Rede vnd eingebung/ vbers  
antwort.

Dornach gingen sie vor S. Churf. S./biß  
vor das Rathans/do dann die fünff Fehnlein/  
so biebenor in die Stadt zur besatzunge georde-  
net/auff dem Marckt / vnnd die anderen zehen  
Fehnlein/die gassen innen behalten / do haben  
die Trommetter sich stadellich hören lassen/vnd  
allenthalben die hackenschützen loß geschossen  
Es ist auch alles das geschütz auffm wahl ab-  
gangen / darauff haben seyne Churfürstliche  
gnaden / die Vuldung genommen/vnnd dem  
Rath vnd Innungs Meistern die hand geben/  
vnd sie der Rath/Innungs meister vñ gemein/  
so vffm platz gestanden/mit auffgereckten fing-  
ern/den eidt/wie jnen durch den Herrn Cantz-  
ler/der selbige vorgestalt/geleistet.

Vnnd ist nach beschener huldunge/seine  
Churfürstliche gnaden / inn Iheronimus De-  
narts Haus/zur Herberge eingekeret/vnd wie  
die hackenschützen zum andern mal abgeschos-  
sen/seind die zehen Fehnlein/so von dem Ober-  
lendischen

lendischen Regiment/für seiner Churfürstliche  
gnaden herein gezogen / widerumb inns lager  
hinans gelassen/vnd die andern fünff/so zuvor  
in besatzunge geordent / in der Stadt blieben/  
Vnd weil die zehen Fehnlein inn der Stadt ge-  
wesen / haben die forigen Schwader Xenther/  
samt dem niderlendischen Regiment/ vor dem  
thor in der schlachtordnung gehalten / vnnd  
seind ein jeder wider in sein Lager gezogen/rc.

**Bedruckt zu Dresden.**





Der von Magde-  
burgk Verantwortung alles vn-  
glimpffs / so ihnen in ihrer Belas-  
terung von den Magdeburgi-  
schen Baals Pfaffen / vnd  
andern ihren vnd der  
Christen Feinden  
begegenet.



Gedruckt zu Magdeburgk durch Mi-  
chel Lotther. 1550.





**G**ottes gnade vnd frie  
de durch Ihesum Christum  
vnsern HERRN vnnnd Heilande /  
samt vnsern gantzwilligen  
diensten stets zuvor. Als

denn an vns den Radt der Alten Stadt Magdeburg gelanget / das wir von vnsern vnd der  
Christen feinden an vielen enden / wiewol  
mit vngrundt verunglimpfft werden / So  
erbeischet vnser vnuermeidliche ehren not  
turfft / dawider einen warhafftigen bericht  
vnd anzeige zuthunde / wie mit vns armen  
verfolgten Christen dieser zeit vmbgangen  
wirdt. Vnd wollen vnser sachen vnsern lieben  
Gott / der recht richtet / vnd alle fromme  
Gottfürchtige / ehrliebende Christen erkennen  
lassen. Lieben Herrn Freunde vnd Brüder  
in Christo Ihesu / Es sind je dis die  
höchsten vnd grösten sachen in ewigen vnd  
zeitlichen dingen / als nemlichen / des heiligen  
seligmachenden Göttlichen worts / vnd  
der gebürlichen freiheit des Vaterlandes.  
Wie aber ein zeit her / mit dem reinen Gottes  
wort / an vielen orten der Deudtschen Nativ  
en jemmerlichen vmbgangen / vnd noch itzo  
die armen Christen / mit Abgötterey zum ab  
fall von Gott / beschwert vnnnd geergert werden /  
das Gottes wort den armen Christen  
fast genomen / vertrucket / vertunckelt vnnnd

verfalschet ist leider Gott sey es geklagt / of-  
fentlich am tage. Vnd diese ding sind nun  
mehr so offenbar / das sie selbst iren jammer  
reden. Vnd ob wol die herliche / hochlöbli-  
che Deutsche Nation ire freiheit auch bey  
der alten Römer zeiten / da sie im flor vnd bey  
irer grossen macht gewesen / mit irem blut /  
manheit vnd bestendigkeit verteidiget vnd  
rumlichen wol herbracht / Wie es aber itzo  
darumb stehet / vnd wie die auch fast angrif-  
ffen vnd verletzet / ist kundlich vnd offenbar /  
vnd ein jglicher gehe nur in sein gewissen.  
Wil man denn nun nicht schir auff hören /  
wieder vnsern HERRN vnd Heilandt Ihes-  
sum Christum vnd seine Glieder die lieben  
Christen vnd auserweltsen / zu toben vnd zu  
harden. Vnser lieber Gott beware je gne-  
diglichen auch die jennen mit den iren / so  
noch aus Gottes gnaden sein heiliges Wort  
haben / vnd gedencen auch dabey zu blei-  
ben / das sie vnd die iren vom Teuffel vnd sei-  
nen gliedern in die blindtheit nicht gefuhrt  
werden / den Menschen zugefallen / vnd vmb  
der Menschen furchte willen / die armen  
Christen mit der that auch anzugreifen / vnd  
zuuerfolgen. Wie kan man das doch fur Gott  
vnd mit gutem gewissen verantworten / das  
man den Magdeburgischen Daals Pfaffen  
wieder vns armen Christen so hoffiret / mit  
leib / geldt / gut / furschub / forderung / auch  
zufüh-

zuführe allerley Propheandt vnnnd notturfft/  
zu irem gewaldt vnd vnrechten dienet / vnnnd  
vns helffet belagern / verfolgen / vnnnd dis  
Landt jemmerlichen verahren vnd verderben? e  
So doch in diesen letzten geschwinden vnd  
bösen zeiten / im grunde nichts anders ge  
sucht wirdt / denn das Antichristische Gott  
lose Pabstumb vnnnd Teuffels Reich / gemach  
weder auffzurichten / vnd dem Antichrist vnd  
Papst zu Rom weder die Knie zu beugen / da  
hin denn itziger zeit / nicht alleine dis furne  
men / sondern auch fast die höchsten radts  
schlege vnd handelungen gerichtet werden /  
das Tridentische / Bepfliche / Widderehr  
stische hiebeuor angefangene Concilium zu  
verfolgen vnd continuiren / vnnnd mitler zeit  
das Gottlose verführische Interim / vnnnd  
Menschliche ordnungen anzunemen / vnnnd  
das alle Gottes diener sich von den Papstli  
chen Bischoffen sollen weihen / verhören vnd  
abilitiren lassen / vnd sich inen vnterwerffen /  
Was ist das anders / denn von Gott abge  
fallen / vnd die Christliche Kirche dem Teu  
ffel selbst vnd dem Antichristischen Reich zu  
vnterwerffen? vngeachtet das solche Men  
schliche radtschlege vor Gott nimmer bestes  
hen werden / vnnnd das der allerhöchste / wie  
der ander Psalm des heiligen Davids auss  
führet / irer spottet vnd lachet / vnd wolweiß  
wie vnnnd wenn er seine Feinde / wo sie sich  
A iij nicht

nicht weder zu im beßeren/sol angreifen vnd  
in seinem grim vnd zorn zu schanden vnd zu  
nichte machen.

Vnd ob wol etliche ire thün wollen  
schmücken vnd beschonen / so ires nützes  
halben den Pfaffen heucheln / das sie denen  
als irer Oberigkeit iren eiden vnd pflichten  
nach zu dienen verhasstet / wie denn auch et-  
liche hohes Standes iren schuldigen gehor-  
sam gegen der Weltlichen hoheit thun be-  
dencken vnd fürwenden / zusehender wider  
vns / die wir als die vermeinten vnghehorsam-  
en vnd rebellen in des Kei. Ma. acht sein sol-  
len / So leß man solchen anzug auff seinen  
fellen beruhen / wie wir denn auch in zeitli-  
chen dingen vns zu allem gebürlichen gehor-  
sam vntertenigst thun erbieten. Es hat aber  
solch anziehen diß fals kein Stadt / denn im  
grunde / wie es Gott weis / ist diß die einige  
vrsache / warumb wir als die vnghehorsamen  
verbannet vnd geechret / wie es denn auch  
nach des H E X X N wort den Christen inn  
der welt gehet / das sie verbannet werden / das  
wir von dem in Gottes wort geoffenbartem  
Antichrist / zu Gott getretten / vnd dem Anti-  
christ mit Gott vnd gutem gewissen nicht  
konnen gehorsamen / sondern gedennen aus  
Gottes gnaden vnd barmhertzigkeit / bey  
vnserm H E X X N Gott vnd seinem heiligen  
reinen Göttlichen Wort / wie wir vnd ander  
Christen

Christen / das itzo Gott lob noch reine ha-  
ben / one allen Menschlichen zusatz behar-  
lich zu bleiben / das wir denn vnsern lieben  
Gott / sein heiliges Wort / vnd die heilige was-  
re Christliche Kirche / wollen erkennen vnd ri-  
chten lassen / Vnnd gehört hieher Gottes /  
vnd seiner heiligen Apostel vrtail / das man in  
Gottes sachen sein Göttliche ehre / sein Wort /  
vnd der Christen heil vnd seligkeit belangen /  
deßbey verlust der seligkeit vnserm lieben Gott  
mehr mus gehorsamen denn dem Mensch-  
en / damit denn der Menschen gehorsam ge-  
gen irer hoch vnd Oberigkeiten in denen sa-  
chen nicht allein wirdt auffgehoben / sondern  
es geschicht auch vnserm lieben Gott ehre  
vnd gefallens daran / wenn die Menschliche  
hoch vnd Oberigkeit etwas wider Gott thut  
gebieten / das die Christen nicht allein inn  
dem nicht verfolgen / sondern sich auch of-  
fentlich dawider legen vnnnd der Abgötter-  
ey widderprechen. Vnd wie denn auch die  
gesetzten recht sprechen / das der Menschen  
hoch vnnnd Oberigkeiten gebot wider Gott  
nicht gelten noch verbinden. Sie verordnen  
auch weiter das der Vnterer seinem Obern  
nicht habe zugebieten. Zu dem wenn die  
Menschliche hoch vnd Oberigkeit ire Ampt  
vbertrit / vnd auffser desselben etwas thut ge-  
bieten das es vnuerbintlich. Vnnnd dieweile  
denn alle Menschen vnd ire hoch vnnnd Ober-  
igkeiten

rigkeiten Gott den HEARN für iren Ober-  
herrn erkennen müssen/so folget daraus das  
die Menschen was standts hoch vnnnd Ober-  
rigkeit die sein / wider Gott/ vnd sein Wort  
keinen gewaldt noch Oberigkeit haben/son-  
dern strack auch schuldig sein dem zugehor-  
samen. Hieraus so folget weiter/das alle die  
jenne Abgöttisch / Gottes vngehorsamen  
vnd feinde sein/so den Baals Pfaffen vnnnd  
der falschen Abgöttischen Religion mit  
radt/beyfal/hülffe vnd furschub wider vns  
vnnnd andere arme beschwerte Christen die-  
nen vnnnd einigerley forderung thun. Wir  
wollen aber hiemit vnsern lieben Gott von  
hertzen bitten/das er vnser feinde vnd alle die  
jennen so sich wider vns zuhandeln bewegen  
lassen/bekeren vnd zu dem rechten erkenntnis  
vnd öffentlichen bekentnis seins heiligen Na-  
mens vnd Worts/führen vnd bringen wolle.

Zum andern/so wil man wider vns fur-  
wenden/als solten wir alhie dem Stifft/vnd  
Pfaffen/etliche Heuser/Flecken/Dörffer/gul-  
te vnnnd einkomen eingenomen haben/ vnnnd  
das es je nicht recht seyander Leuten das ire  
zunemen etc. Vnnnd vormeinen also für der  
Welt einen schein/zufal vnd anhang zu ma-  
chen vns mit fuge zubekriegen. Hierauff ha-  
ben wir hiebevor inn vnserm vorigen aus-  
schreiben die antwort geben/das wir im of-  
fentlichem Kriege/da ander im furhaben ge-  
wesen



wesen die Heuser wider vns/vnnd zu vnserm  
nachteil vnd verderb einzunemen./dem zu  
vnser natürlicke defension furkomen./Denn  
wenn die Heuser wider vns weren eingezo-  
gen/so hetze man vnns die freie zu vnnd ab-  
föhre nicht alleine verhindern/sondern auch  
vns vnd die vnsern leichtlichen beschedigen  
vnd verderben können. Vnd dieweile denn  
nicht alleine die gesatzten/sondern auch die  
natürlichen recht/wider die furstehende bes-  
chedigung/die gegenwehr vnd defension  
nachlassen/Vnd solche satzung der Weltl-  
ichen vnd natürlichen recht/wieder heilige  
Paulus spricht/Gottliche ordenungen sein/  
so folget daraus notwendig/das vnns dem  
Kade zu Magdeburg auch als den Christen  
nachgeben vnd zugelassen gewesen/sich der  
defension zugebrauchen/vnd haben also mit  
gutem gewissen vnd zu vnserm schutz vnd  
defension/solche schedtliche Heuser wol mü-  
gen einnemen (wie sich denn auch David/  
Josaphat/Ezechias vnd andere Gottfürch-  
tige frome Könige vnd Oberigkeiten der  
defension wider die Gottlosen angenommen)  
zu dem das diese güter der Magdeburgische  
Kirchen etwan zugewandt/vnd zu errettunge  
irer armen Christen wol haben müge gebrau-  
chet/vn fur der anfechtunge der Abgöttere-  
en damit verteidiget werden. Doch haben  
wir vns auff allen gehalten Regen gegen den  
verors

verordenten der hieschen Landtschafft erbot/  
ten/wenn wir bey dem lautern vnnnd reinen  
Wort Gottes/one allen Menschlichen zusatz  
möchten gelassen werden / zu stundt die güt  
ter wieder abzutreten vñ zuuerlassen / vnd ist  
vnns ymb die güter nicht zuthun gewesen/  
das wir auch mit warheit wol sagen mügen.  
Vnsern Feinden ist es aber darumb im grun  
de hart angelegen / die Magdeburgische Kir  
che bey der Bepflichen Abgötterey zubehal  
ten / vnd in zeitlichen vnd ewigen verterb zu  
bringen / damit sie auch noch vmbgehen /  
vnd hin vnd wider jagen vnd reiten / die ar  
men Christen in verfolgunge zubringen / vnd  
meinen auch itzo sie vnnnd ire anhenger nicht  
anders / denn das es mit der waren Christli  
chen Religion aus sey.

Man hat vns auch in vnterredungen  
furgehalten / das wir wol gedenccken köndten  
das vnns niemands würde beystehen noch  
helffen / es würde auch keiner sein / der auß  
vnserm Fuß den splitter ziehen vnnnd in den  
seinen stecken wurde. Darauff ist die ant  
wort geben / das diß ein fleischlich bedenc  
en sey / vnd müssen auch selbst bekennen / das  
nach Menschlicher vernunft zureden / sich  
niemands gerne frembder fahre vnd sachen  
annimpt / vnd das der Gottlosen hauffe / den  
armen Christen viel zu viel / zu listig / zu starck  
vnnnd zu mechtig. Dieweile aber diese sache  
Gottes



Gottes ehre / sein heiliges Wort / vnnnd der  
Christen seel vnd heil / vnnnd nicht alleine vns  
als die wenigsten / sondern auch alle Chris-  
ten vnd die gemeine Christliche wolart an-  
trifft / Vnnnd das in solchen sachen ein Brud-  
der vermüge des Göttlichen Worts für den  
andern sein leben lassen sol / So müsse diese  
sache mit Christlichem geist vnnnd augen an-  
gesehen vnd dahin bedacht werden / das der  
HERR vnser Gott noch mehr vnnnd mechtis-  
ger ist / denn die gantze Welt / vnd wenn man  
sich der vielen herlichen Exempel außs der  
heiligen Schrift wil erinnern / so hat der  
HERR offtmals seinem Volck / leiblichen  
vnd geistlichen ausgeholffen / da sichs doch  
für der vernunft hat ansehen lassen / als were  
es schon gar aus vnd alles verloren gewesen /  
Vnd das der HERR nur einen seiner lieben  
Engel gesandt vnnnd viel tausent der Feinde  
vnd verfolger hat erschlagen vnnnd die seinen  
herlichen entsatzt vnd errettet / wie denn das  
die herlichen tröstlichen Exempel der Gött-  
lichen Schrift anzeigen. Zur zeit des Königs  
Pharao / als die Aegypter den armen Jüden  
nachlagten mit groffer macht / vnnnd trotzten  
auff ire Wagen / Reuter vnd grosses gerüstes  
Kriegsvolck / da der HERR sie nur ansach -  
das sie verzaget worden vnd kamen all vmb!  
das auch nicht einer dauon kam / der es bet-  
te konnen nachsagen. Auch bey zeiten des

Königs der Jüden/Ezechie wider den mechtigen vnd starcken König von Assirien Senascherib/da der HERR nur durch einen heiligen Engel hundert vnnnd funff vnd achtzig tausent erschlahen lies / Desgleichen auch wieder den Benhadad der Sirer König/ als der Samariam belagert vnd sie in euffersten nöten vnnnd hunger gewesen / vnnnd vom HERRN mitten im creutz wunderbarlichen errettet worden.

Was hat auch gethan der frome Iudas Macchabeus / als die Assirer die heilige Stadt Jerusalem mit list vnd betrugk eingenomen/die alten vnd jungen erwürget / den Tempel des HERRN mit allen Gottesdiensten verwüestet vnd entheiligt / vnd fast das gantze Jüdische landt in iren handen gewesen/vnd es nach der vernunft mit dem gantzen Jüdischen volck / dem Gesetze vnd Gottes dienst auff der nege vnd ausgewesen/ der doch mit seinen Brüdern vnd allen fromen/ so das ire verlassen / vnnnd doch vmb Gottes wort geeuert/für Gottes wort vnnnd ire Vaterlandt ire leben freiwillig gewagt vnd dargestreckt/vnnnd offtmals mit einer geringen anzal viel tausent der abtrunnigen vnd Assirer mit Gottes hülffe vnnnd beystandt erlegt/vnnnd also getrost der Abgötterey gewehret/Haben auch die rechte ehre vnnnd einen ewigen namen erlangt/vnnnd sich für der Gottlosen

losen trotz / gewaldt vnnd macht nicht ge-  
fürcht. Der vnnd anderer Göttlichen anwei-  
sungen vnd Exempeln/haben wir vns vnnd  
alle Christen sich auch zu trösten / vnnd der  
Göttlichen Väterlichen verheissungen zu er-  
manen/ das der H E X X alle die sennen/ so  
sich auff in verlassen vnd vertrauen herlich-  
en erhalten werde/zeitlichen vnnd ewiglich-  
en. Wir wissen auch furwar/das der H E X X  
vnsern Feinden ein ziel gesteckt / darüber sie  
nicht schreiten können / des denn auch die  
Göttliche Schrift vns vnnd allen Christen  
einen trost gibt in der Historien des mecht-  
igen Königs Senacheribs/da der H E X X zu  
im sprach / Dieweile du denn wieder mich  
tobest/vnnd dein vbermut herauff fur meine  
ohren komen ist/so wil ich dir einen ringk an  
deine nasen leggen/vnnd ein gebieß in dein  
maul/vnnd wil dich den weg widerumb füh-  
ren/da du herkomen bist. Vnd der Gott der  
seinem Volck offtmals inn eussersten nöten  
seiner Väterlichen zusagung nach / wenn sie  
in von hertzen angeruffen / vnd bey im vnnd  
seinem Worte feste gehalten/geholffen / lebt  
vnnd regiret noch gewaltiglichen/vnnd sein  
arm zu helfen ist im nicht verkürtzet / vnnd  
hat im die macht fürbehalten alle Christen  
die auff in vertrauen vnd sich verlassen / von  
iren Feinden herlichen nach seinem Göttli-  
chen willen/auch leiblichen zuerretten.

Und als es dann den Gottlosen vnd  
abtrännigen falschen Christen darumb  
keine zuchne ist/das wir vnnnd alle Christen  
dahin möchten mit betrug/ list vnd gewalt/  
verführt vnnnd gedrungen werden / vnsern  
Gott /vnd sein heiliges reines Wort zuuerlas-  
ssen/vnd dauon abzufallen / vnnnd dem Antis-  
christ zu Rom zu ewigem verdammis/wieder  
die Knie zu bögen / darüber wir denn nach  
Gottes willen inn diese verfolgunge an das  
Creutze komen. So bitten wir alle Christen/  
was standts die sein/sie wollen vnsern lieben  
HERRN vnd Gott mit demüthigem hertzen  
bitten vnd anruffen/vns mit seinem heiligen  
Geist beyzustehen/auch die gnade zu geben/  
das wir vnns auff in in eussersten nöten Kön-  
nen verlassen vnd vertrauen/das er vns von  
allen vnsern Feinden/zeitlichen vnnnd ewigli-  
chen nach seinem gnedigen Väterlichen wil-  
len werde erretten / vmb seins heiligen Na-  
mens/vnnnd auch seins lieben Sons / vnser  
lieben HERRN vnnnd Heilands Ihesu Chris-  
ti willen/Vnd wo er vns gleich nicht leiblich  
erretten wolte/vnns dennoch vnnnd alle  
frome Christen/bey dem öffentlichen bekent-  
nis seines reinen heiligen Worts zuerhalten/  
vnd fur des Papsts Abgötterey/gnediglich  
en zubehalten/wölle vnns auch mit gnaden  
beistehen/das wir der werden gantzen Chris-  
tenheit je nichts ergerlichs handelen noch  
einreus

einreumen. Es wollen vns auch nicht alle  
ne vnserer Nachbarn / sondern alle guthertz  
ge Christen / weile dis eine gemeine sache  
ist / sie eben so wol als vnns belangende / mit  
schuldiger Christlicher hülffe / radt vnd bey  
standt nicht verlassen. Machen vnns auch  
keinen zweiffel / es werden sich auch alle die  
kennen / die anders Christen sein wollen / was  
standts die sein / bedencken / wieder vns als  
die beschwerten Christen / mit radt / gelt oder  
andern furschuben zu helfen / Dieweile es  
nun mehr so offenbar / das mans fület vnd  
greiffet / das damit vmbgangen wirdet / das  
heilige / reine Göttliche Wort zuuerfelschen /  
ja auch auszurotten / vnd das Widderchri  
stliche Abgöttliche Papstumb wieder auff  
zurichten / vnd alle Leute dahin mit list vnd  
gewalt zudringen / von Gott vnd seiner  
Göttlichen erkandten Warheit abzufallen /  
vnd an Gott trewlos zu werden / Darumb so  
zweifeln wir nicht / es werde kein rechter  
Christ wieder vns als seine Mitbrüder / ein  
gehülffe thun / noch sich gebrauchen lassen /  
Denn wie kan der für Gott ein Christ sein /  
der mit dem Teuffel seine Christlichen Mit  
brüder gedencet zuverfolgen ? Vnd ob man  
wol mit Worten sagt / das man auch bey  
Gottes Wort bleiben vnd nicht zum Teu  
ffel fahren wil / so verleucknet man doch  
das mit der lebendigen that / vnd versündi  
get sich

get sich also gegen Gott/das man seinen einu-  
gen Son Ihesum Christum vnsern HERRN  
selbst inn seinen Gliedern feindlichen thut  
angreifen vnd verfolgen.

Vnnd dieweile denn das Göttliche  
Wort vnnnd der heilige Johannes inn seiner  
andern Epistel alle Christen hoch vermanen/  
das sie vmb Christlicher liebe willen / auch  
das leben für ire Brüder sollen lassen. So  
haben wir keinen zweiffel alle die jennen das  
rechte Christen sein/werden vnns an lenger  
zusehen mit schuldiger hülff nicht verlassen/  
auch den zorn Gottes/nicht auff sich laden/  
wie denen zu Meros geschehen / da sie iren  
Brüdern den geringsten Stimmen außs Is-  
rael/so von der grossen macht der Cananiter  
vberzogen / keine hülffe noch beystandt ge-  
than / vom Engel des HERRN verflucht  
werden/Vnd das dennoch ire verlassene Brü-  
der mit hülffe des HERRN die grosse macht  
der Cananiter erlecht/vnnd vom HERRN  
herlichen errettet würden / wie denn das im  
Buch der Richter klerlich stehet geschriben.

**U**nd als wir in dieser arbeit gewe-  
sen/diese vnser hohe notturfft inn  
druck ausgehen zulassen/ist an vnns  
gelanget/das die Magdeburgischen Rheim-  
herrn vnnnd Capittel/ire Gesandten auff den  
newlichen gehaltenen Landtag zu Torgaw  
geschicket/



geschicket/auch eine schriftliche Instructi-  
on den löblichen Stenden haben vbergeben/  
vnd vns mit vngrundt vnnnd vnwarheit ver-  
unglimpffen vnnnd beschweren lassen/Haben  
auch etliche mit vnns gebabte vnterredunge  
vnd handelunge zu vnserm vnglimpff ange-  
zogen/vnd vns zu vnserm Gegenbericht ge-  
ursachet. Vnd damit wir es mit der erhö-  
lunge nicht zu lanck machen / so folget her-  
nach die Cöpey irer der Gesandten vbergeben  
Instruction / vnnnd darauff vnser Antwort  
vnd Gegenbericht/wie denn solchs alles mit  
Bleffern verzeichent / Vnterteniglich / dienst-  
lich vnnnd freundlich bittende/ vnser gegen-  
wärturfft/ mit vnparteyeschen ohren zu hö-  
ren/vnd der Erbar vnnnd billigkeit bezupflü-  
chten / Vnd die ehre Gottes vnd seins heil-  
gen seligmachenden Worts / der Menschen  
gunst vnd furcht fürzusetzen/ Auch Christli-  
chen zubedencken/das man mit vns armen

Christen gerne einen bösen eingang  
zu zeitlichem vnd ewigem verterb  
machen wolte / wo es Gott  
der Allmechtige nicht  
ghediglichen ab-  
wenden wür-

de.

E

Serv

1 Hernach folget der  
Gesandten des Schiffes zu  
Magdeburgk Instructi-  
on vnnnd werbung.

**I**nstruction etc. Was an  
den Durchleuchtigesten / Hoch-  
gebornen Fürsten vnnnd Herrn/  
Herrn Moritzen Hertzogen zu  
Sachsen etc. Des heiligen Römi-  
schen Reichs Ertzmarschall vnd  
Churfürst / Landtgraff in Dörin-  
gen / vnnnd Marggraff zu Meissen / vnnnd die  
Hochwirdigen Fürsten / Wolgebornen edeln  
Graffen / Ernuesten / Gestrengen / Erbarn  
Achtbarn / Hochgelarten / Weisen fürsichti-  
gen Herrn der Stende / des Thur vnnnd Für-  
stenthumbs zu Sachsen / Ire gnedigste / gne-  
dige / freundtliche Brüdere / Ohmen / beson-  
dere liebe günstige Herrn / Nachbarn vnnnd  
Freunde / Die Ehrwirdige / Wolgebornen  
edeln Herrn / Herr Ernst Thumtehendt zu  
Magdeburgk / vnnnd Herr Hans George ge-  
brüdere / Graffen vnd Herrn zu Mansfeldt /  
Edele Herrn zu Heldringen / Ernuesten vnd  
Gestrengen Henrich von Krossigk / auff Alles  
ben vnd



ben vnnnd Krottorff/Luppoldt von Klitzing/  
Amptman zu Gütterbogß vnd Dhame / vnd  
Andres von Drachsdorff/von wegen vnser  
des Ehumcapittels/der Prelaten / anderern  
Graffen / Ritterschafft vnnnd Stende / des  
Ertzstifts Magdeburgk vntertenigst/dienst/  
lich / freuntlich / Nachbarlich werden vnnnd  
bitten sollen.

Erstlichen sollen iren Churfürstlichen  
gnaden/vñ den von Prelaten/Graffen / Rit/  
terschafft vñ Stedten/die verordentē / vnser  
vnterthenige freuntliche/vnd geflissene diens/  
te vormelden vñ anzeigē / hernachmals wel/  
che auff die Credentz/ einbringē / Das wir **i.**  
in keinen zweiffel stelleten / sie wüßten/hetten  
auch auß gemeinem gerücht erfahren / wel/  
cher gestaldt / der Rō. Key. Ma. vnser aller  
gnedigsten Herrn Echtere vnd Rebellen / vn/  
sere des Ehumcapittels zu Magdeburgk vn/  
gehorsame Vnterthanen vnd verwandten/  
Burgermeistere/Radtmanne vnnnd Innigs/  
meistere der alten Stadt Magdeburgk / sich  
in etliche viel Jar vergangen / Sonderlichs  
mutwillens/vngebürlichs vngehorsams/ge/  
gen ire von Gott geordenten Oberkeit ges/  
fleissiget.

Vnnnd in sonderheit dem nechst ver/  
storbenen Ertzbischoff / Herrn Johans Al/  
brechten/Marggraffen zu Brandenburgk/  
etc. Hochlöblicher seliger gedechtnis / keines  
**E ij** **weges** **Z.**

- weges die gebürlichen Huldigung/die doch ein Unterthan seiner Oberkeit vnnd Herrschafft one einigen verzug zulaisten schuldig thun wollen/Vngeachtet das seine F. G. sie darumb zum offtermal gnedig vnd götlich/vnd wir die Stende/Nachbarlich vñ freuntlich ersuchen lassen/vnnd auch zum teil selbst ersucht/Daran sie noch nicht gesettiget/ge-  
3. wesen/ Sondern zugefallen/die Herrn des Rhumcapittels/ire Herrn vnnd alle die iren/mit gewaldt von dem iren / auß der Stadt ausgeiaget/So viel sie dero antroffen/in bestrickung genomen/vnnd noch bestrickt enthalten/wie auch etliche in solcher bestrickung gestorben / inen / zuwieder dem Key. Landtsfrieden one einige vrsachen/feindtlichen entsagt/das ire geraubet/vnd mit gewaldt ein genomen/ Dem Ertzbischoff/dem sie als ire von Gott geordneten Oberkeit / zugehorsamen pflichtig/verachtet/Aller seiner Heuser vnnd Güter auffin Lande in etliche Weil wegges/vmb die Stadt Magdeburgk gelegen/geraubet/spolirt/vnd etliche im vorenthalten/  
4. Sich auch in dem nechst vergangenē Krieger zuge vnnd empörungen/wieder die Kō. Key. vnnd Kō. Ma. dazu die genachbarten Thur vnd Fürsten begeben/demselben ire Lande vnd Leute vnuerursacht vberziehen/beschedigen/belagern vnnd plündern helfen/vnd so viel freuentlichs/mutwillens geübet/  
das

das sie inn die Key. acht vnnd oberacht er-  
klegt/ Vnd fur offentliche mutwillige Rebel-  
len declarirt/darauff auch die Exequutorial  
vnnd ernster befehl zur Execution aufgan-  
gen/ In welcher acht vnd oberacht sie etliche  
Jar/mutwillig verharret.

Vnd ob gleich viel guthertziger Leut/ S.  
von hohen vnnd andern Stenden / Als Für-  
sten/Graffen/ von der Ritterschafft / Sted-  
ten/etc. vnnd sonderlich vnser etliche / von  
den Stenden des Ertzstifts Magdeburgk/  
sie Personlich ersucht / zu vns verleitet vnd  
bescheiden/zum höchsten angelangt vnd ge-  
beten/das sie irem natürlichen Herrn / Ertz-  
bisschoff vnnd Landes Fürsten / desgleichen  
dem Thumcapittel / Als iren rechten natür-  
lichen Herrn/vnnd andern die sie spolirt/ ire  
Heuser/Lande/Leute vnnd güter/wiederumb  
einreumen/vnnd zuhanden stellen / Als sie  
dann nach recht vnnd aller billigkeit zu thun  
mehr dann schuldig / sich auch gegen densel-  
bigen Gottes ordnung allem Rechten vnnd  
billigkeit nach / als die gehorsamen Unter-  
thanen erzeigen/ir selbst / Vnser vnnd der  
vmblickenden Lande vnnd Leute bestes / fries-  
den/ruhe vnd wolffart bedencen wolten/ so  
weren wir von den Stenden des Ertzstifts  
Magdeburgk/geneiget / gereidt vnd willig/  
mit vnterthenigster fleissiger bitt/die Römi-  
Key.Ma.vnser aller gnedigsten Herrn / auch  
E iij etliche

etliche Churfürsten ꝑ. G. vnd andere des heiligen Röm. Reichs fürtreffliche Glieder vnd verwandten/an die handt zunemen / vntertheniglich vnd mit fleisse zuuermügen / sie bey der Röm. Key. Ma. vnserm aller gnedigsten Herrn / vntertheniges vleisses zuuerbitten / damit ire Ma. die gefaste vngnade / gegen sie die Echtere / aller gnedigst / gantz fallen lassen / Oder je zum wenigsten / also mildern möchte / das je entlicher verderb auch verwüstung dieser Lande verhütet.

6. Es hat aber alles bey den verstockten Leuten / nichts wircken wollen noch mügen / Sondern sind jmer fortgefahren / haben des Ertzstifts Stedte / Landgüter vnd Ampter / so sie / vnter irem Viehischen vnrechtem geweldt bracht / an holtzungen vnd andern geniessungen mercklich verderbt / des Stifts vnd Capittels arme Vnterthane / mit vntreglichen diensten / zu irem Rebellichen Daw / zum höchsten geengstiget / Mit städtlichen Monatlichen schatzungen vnd anlagen verarmet / vnd ausgesogen / die frömbden vnnnd einwoner disß Landes / mit vngewöhnlichen Zöllen / auffsetzen etc. zu Wasser vnd Lande / vngewöhnlicher weise / wieder alten gebrauch
7. vñ herkomē beschwert /  Einen sehr städtlichen / wol erbawtten Thumb / welcher viel tausent Göllden gestanden / vnnnd nicht allein beiden Stifften Magdeburgk vnnnd Halberstadt /

berstadt/sondern auch andern mehr vmbblies-  
genden Leutern / zu irer aller hantierung/  
vnd notturfft/zugebrauchen gewesen/ane  
allen fug vnd vrsachen zurissen / die Brücken  
abgebrennet/vnnd gar zuschleiff / also das  
nun mehr niemands/wieder zu roß noch zu  
fuss/darüber kan. Etliche Graffen/vom 8.

Adel vnnd andern inn iren eigen Erbbehau-  
sungen/bey Rechtlicher weile/mit gewaldt/  
vnd hereskrafft vberfallen/geplündert / ver-  
strickt mit habe vnd gut/wes sie der mitbrin-  
gen mögen wegggeführt. Den Zugentsa-  
men Jungfrawen vnnd Frawen / ire Ge-  
schmück/Kleinötter vnnd Kleider/bisß auffß  
Hembde genommen vnd ausgezogen / was sie  
aber nicht wegg bringen können / zurschla-  
gen vnd gantz zu nichte gemacht / Die Jun-  
ckern one fug/recht vnd vrsachen gefenglich  
gesetzt/vnd zum teil durch die Hencker hart  
torquirt/vnd lenger dann ein halb Jar/also  
inn gefengnis gehalten / Die Frawen vnnd  
Jungfrawen vom Adel / gantz vbel geschla-  
gen/verwundet / vnnd also gehandelt / das  
auch etliche/des dritten vnnd vierden tages  
gestorben.

Vnd sonst vnzelichen Viebischen raub/ 9.  
mutwillen vnnd freuel getrieben/dergestalt/  
das sie die Echtere / dem Ertzstift dessel-  
ben Elereisen / zugethanen armen Leuten/  
vnd verwanten/Vnnd auß den eingewomes-  
nen/

- nen / Inuadiren / Landtgütern / Kirchen/  
klöstern / Stedten / Amptern / Flecken / sampt  
iren zugehörenden Dörffern / vnd der teglich  
en genießung / vnnd vnordentlichen Schatz  
ungen / der Kirchen vnd klöster plünderung /  
mit verwüstung / vnnd verderbe der gehölzte  
vnd anderer liegender gründe vnd Feldtgü  
tern / die viel Jar hero vergangen / vber acht  
mal hundert tausent Guldten / zum wenigsten  
estimiret vnd geachtet / erraubet / erplündert /  
10. erschätzt vn beschediget / Vñ wirdet alhier  
aller freuel / mutwille vnnd vbermut / damit  
sie Rō. Key. vnnd Rō. Ma. Churfürsten / Für  
sten vnd andere hohe Personen / durch schme  
he / Schandtbrieffe / Keimen vnd Gemelde /  
vnverschuldet angegriffen vnnd beleidiget /  
ybergangen / bisß so lange aus sonderlicher /  
des Allmechtigen schickung / dieser vnuorse  
hener zufall / sich zugetragen / das sie aus irer  
selbst verursachung / zum teil geschlagen wor  
den. 11. Do dann durch die gefangenen / so  
damals aus inen nidergelegē / an tag bracht  
vnnd kundt worden / das sie dieses entlichen  
fürnemens / vnnd im werck gewesen / die von  
der Ritterschafft / des Adels vnd alle die iren /  
in diesem Stiff / ferner mit heres krafft vnd  
gewaldt zuüberfallen / inn grundt zuwerter  
ben / vnd auszutilgen / alles das ire preiß zu  
machen / auch sonstē was sie vermöchten /  
in vnd vnter iren gewaldt zubringen / vnd zu  
zwingen /



zwingen / Darzu sie dann etliche viel Richte/  
schwert/vnd gewichste strick/zu irem Vleis/  
schen/Tyrannischen furhaben dienstlich/bey  
sich gehabt/welche auch bey inen/neben an/ 12.  
dern glaubwürdigen kundtschafften / baldt  
nach der niderlage befunden. Derwegen zu  
rettung der vnschuldigen vom Adel vnd an/ 13.  
derer beschwerten/auch erlangung vnnnd er/ 14.  
haltung friedens/ruhe vnnnd einigkeit/vnnnd  
damit ihnen ir mutwillig aufsfallen/freuel/  
vermut/vnnnd beginnen / furder Lande vnd  
Leute zuuerterben/gewehret/wir zum höch/ 15.  
sten gedrungen / inen vorzurücken / vnnnd ir  
Churfürstliche gnade / als die zu dieser zeit  
heben andern/diese Stifte/von der Rō. Key.  
Ma. vnserm aller gnedigsten Herrn / zuschüt/ 16.  
zen / sonderlich befehl haben / auch solchs  
dem nu ausgekündigten Landtfriden / vnd  
jüngsten abschiede des heiligen Reichs ge/ 17.  
mess / dienstlich vnnnd vnterthenigst zuer/ 18.  
suchen.

Weil nu alle gepflogene/gütliche han/ 19.  
delungen/fürnemlich aber die darinnen dies/ 20.  
ser Tage/ire Churfürstliche gnaden / neben  
Churfürstliche durchlauchtigkeit zu Bran/ 21.  
denburg/allen Menschlichen vnnnd möchtl/ 22.  
ichen vleis gethan / auch der Religion vnnnd  
freiheiten halben/damit sie ire sachen / bis/ 23.  
anher bemantelt/gantz gnedige linde mittel  
vorgeschlagen / vnnnd sich noch letztlich gne/ 24.  
digst

digst erbottē/ das sie auff bescheen erfordernt  
der Churfürsten/ Fürsten vnnnd Stende des  
heiligen Reichs/ den bestimbten tag zu Augs  
spurg zuersuchen willens/ ire Gesandte das  
selbst hin/ mit schriftlichen vnd lebendigem  
geleidt zuuersehen / bey inen den Echtern gan  
keine stadt funden / vñ sie von irer verstockten  
Rebellion/ vnrechtmessigem fürhaben / vnd  
fürenthaltē der spolirten Heuser / Stedte/  
Flecken vnd Dörffer/ nicht abstecken wollen.

So bitten wir die Capittel vnd Sten  
de vnterthenig / vnd mit vleisse jr Churfürst  
liche gnaden/ gnaden/ gunsten vnnnd die an  
dern / wolten dieser vnserer notwendigen  
entschuldigung/ vnnnd dem grunde der war  
heit/ welche wir auff die vnerfindlichen drö  
cke/ so sie die Echtere/ der alten stadt Mag  
deburg/ vnter iren namen hin vnnnd wieder  
haben mit gestarter warheit/ ausbreiten laß  
sen/ gleicher gestaldt an etliche Sehe vnnnd  
andere Stedte / Nachbarn vnnnd Freunde/  
schriftlich gethan / stadt vnnnd glauben ges  
ben/ dann sie können vnd mögen/ mit keinem  
grundt der warheit dardun / das wir die  
Capittel Stende/ oder auch der Ertzbischoff  
inen in der Religion/ jemals einige verbindē  
rung oder zwangnis gethan / Oder die ges  
ringste ursach / dazu gegeben / Darbeneben  
wolten auch ire Churfürstliche gnaden/ gna  
den/ gunsten/ vnd die andern erwegen / vnd  
zu hers



zu hertzen führen / wo des Ertzstifts / vnuer-  
mögenheit halben. Und das wir von den  
Benachbarten hülff los gelassen / die Echtere  
auff irer halstarrigkeit bleiben / frembt Kri-  
gesuolck in diese Lande geschickt / oder ein  
ander Kriegsherrn verordent werden solte /  
zu was fehrigkeit / nachteil vnnnd beschwe-  
rung / solchs allen hierumb Benachbarten /  
an leibe / seelen vnnnd güte gereichen köndte /  
Sich auch vnserm / vnzweiffelichen / vnter-  
thenigem dienstlichen vertrauen noch gnes-  
digst / gnediglich / freuntlich / Nachbarlich  
vnd gutwillig erzeigen. Und vns in dies-  
er vnser fürstehender nott vnd bedrangnis /  
mit radt / hülff / trost vnnnd beystandt nicht  
verlassen / wie wir denn dem freuntlichen  
verwantnis / vnnnd vertrauen nach / welchs  
die verstorbenen Ertzbischoffe zu Magde-  
burg / sonderlich die nechsten drey / milder  
gedechtnis / zu dem hochlöblichen Hause zu  
Sachsen. Und desselbigen verwanten / als  
lezeit gehabt vnd getragen / vns vnzweiffen-  
lich vertrösten.

Solchs wirdet der Hochwirdige /  
Durchlauchtige / Hochgeborne Fürst vnnnd  
Herr / Herr Friederich Marggraff zu Bran-  
denburg / postulirter zu Ertzbischoff / vnser  
künfftiger Herr / Als E. E. F. G. angeborner  
uher / Blutsuervanter Freundt / freunt-  
lich verdienen / So sind wirs vnterthenig-  
lich  
D ij                      lich /

Ich/dienstlich/freuntlich vnd vnser hoch-  
sten vermögens/auch mit zusetzung des vn-  
sern/wiederumb zuuergleichen willig vnn-  
bereidt/zu vrkuant/mit vnser etlichen ange-  
borne Pitzschafften/versiegelt / Das  
tum zum grossen Saltze/ Frey-  
tags nach Simonis  
vnd Jude/Anno  
etc. 4.

# Inser des Raths von Magdeburg/ Antwort.

**I**n der Rade der alten Stadt Magdeburg konnen so nicht glauben/das die gemeine Ritterschafft vnnnd Stedte des Ertzstifts zu Magdeburg / solche Werbunge befohlen/bettens auch vmb sie nicht verdient. Was Herr Ernst Graffe zu Mansfeldt vnd Dech/ent etc./fur ein Sewesch/Diesch vnnnd Huren leben hie gefürth/edler vnd vnedler Töchter geschendet / ist Landt vnnnd Stadtrüchtig. Was auch die andern Thumbpfaffen fur einen Härtschen / Dieschen wandel hier gefürth/weiss das gantze Landt wol. Ob wol Graffe Hans Georgen von Mansfeldt in etlichen gehalten vnterredungen/gegen den Geschickten des Raths von Magdeburg auff vnd wieder die Magdeburgischen Thumbpfaffen viel geredt / so leßt sich doch stzo ansehen/das man nun der Pfaffen Patron wirdet. Was auch Lippelt von Klitzing fur einen wandel geführet / vnd wo  
D iij mit

mit seine viel tausent Guldten erlanget / wol-  
len wir das gantze stift Magdeburgk reden  
lassen. Er vnnnd Heinrich von Krossigk neben  
den fürnemsten des Capittels sind fast die  
jennen / so lange jar diese beiden stift Mag-  
deburgk vnd Halberstadt / mit grossen vnnnd  
vielen schweren steuren / auch mit zu irem be-  
sten haben beleggen / bey dem gemeinen Adel  
vnterbarwen / vnnnd also leichtlichen bewillig-  
gen / vnnnd diese stift vnd Lande ausaugen  
vnd verderben helfen / Vnd damit sie es noch  
dabey möchten behalten / so hoffieren sie den  
Baals Pfaffen / in hoffnung das hinfurder /  
wie hie beuorn gescheen / weiter zugenieffen.

Auff den ersten Artickel sage wir der  
Kadt der alten stadt Magdeburgk / das vnser  
Feinde die Thumbpfaffen von Magdeburgk  
viel dazu geholffen / geritten vnnnd geiagt bey  
der Röm. Key. Ma. vns zuuerunglimpfen / vns  
mit vnwarheit / vngehörter sachen / inn die  
acht zubringen / vnnnd also vnser mechtig zu-  
werden / vnnnd ires mutwillens gegen vns zu-  
gebrauchen / hat in wehe gnug gethan / das  
alhier Gottes wort geprediget / das ire Ab-  
götterey vnd falsche Religion an tag komen /  
vnd ire pracht vnnnd hoffart / so nicht wie zu-  
vor geachtet worden. Gegen der aller  
höchsten Key. Ma. vnnnd dem heiligen Röm-  
schen Reich / haben wir nichts auß bösem  
fursatz gehandelt / vnns auch stets zu allem  
gebür

gebürlichen gehorsam/aller vntertthenigst er-  
botten/mit demütigster aller vntertthenigster  
bit/vns bey dem reinen Göttliche worte one  
allen menschlichen zusatz/auch bey vnsern  
herbrachten/zimlichen freheiten vnnnd her-  
komen/Priuilegien vnd gerechtigkeiten zulas-  
sen. So hat es mit einem Ertzbischoffe  
vnd vns die gestalt/das wir auff fürgehende  
beredunge / einem Ertzbischoffe die hul-  
dung thun/vns bey vnsern alten rechten/  
freheiten/gerechtigkeiten/gebreuchen vnnnd  
gewonheiten zu lassen / Des haben wir vns  
gegen weilanten den Ertzbischoffen aller  
gebür so verhalten.

Vnd hetten die Ehumbherrn von Mag<sup>z</sup> Ze-  
deburgk / bey weilandt Ertzbischoffe Jo-  
hans Albrechtē/Marggraffen zu Branden-  
burgk etc. löblicher gedechtnis/keine newe-  
rung helffen vntersetzen/so het es der Rade  
zu Magdeburgk an der gewonlichen hul-  
dunge nicht mangeln lassen / Wer es auch  
bey den Ehumbherrn von Magdeburgk ge-  
standen/so were der frome löbliche Fürste/  
der Ertzbischoff/Herr Johans Albrecht etc.  
nicht wieder zu diesem Ertzstift gekomen/  
sind imwieder trew noch holdt gewesen.

Vnd ist gewis war/das sie aus lauter m  
ybermuth stoltz vnnnd mutwillen von vns ge-  
zogen/vnd sich selbst verlagt haben / Als sie  
gesehen/ das der alte Ehurfürste zu Sachsen  
etc.

etc. vnd der Landtgraffe zu Hessen / etc. nles-  
dergelegt / Haben sie gedacht/es were nu die  
zeit kommen /iren miltwillen an vns zu fülen/  
vnnnd das sie es allhier / wie an andern örten/  
anrichten wolten / auch ire Pfaffen huren in  
ehrligen wirtschafften oben an zu setzen /vnd  
vns mit füßen zu treten. Vnnnd werdens  
nimer mit grunde darthun / das wir sie mit  
gewalt aus der Stadt ausgeiagt / seind auch  
vnser Herren nicht gewesen / vnd seind lange  
jar zuuor bei vns im gutem frieden geseßen/  
vngeachtet das zu zeiten die Prediger auff sie  
vnd ander Gottlose / auch hefftig geprediget/  
vnd hat sich doch niemands an inen vergre-  
ffen dürffen / so seind auch ihrer viel kurtz zu-  
uor hier zur steth gewesen / Vnnnd wenn wir  
bedacht weren gewesen / sie zu überfallen / so  
hette das allhier wol leichtlichen gescheen  
können / als irer viel hier bei vns in der Stat  
gewesen / das doch nicht fůrgenomen. Als  
wir vns aber des gewaltigen vberzugs haben  
müssen alle tze befahren / haben wir an die  
Rhumherren geschicket / vnd ihnen fürhalten  
lassen / sie segen das Gottes wort vnnnd war-  
heit an tag kommen / vnnnd das man sich ver-  
möge des Göttlichen Worts darzu öffent-  
lichen bekennen müsse / so thete wir sie dienst-  
lich bitten / wie wir siedenn zuuor oft auch  
ersucht vnnnd darumb angelangt hetten / das  
si einen gelerten der heiligen Schrifft Do-  
ctorn



etorn wolten selbst bestellen vnnnd annemen/  
vnnnd im Ehome Gottes Wort predigen lass  
sen/weile doch fast alle ire Herren vnd freun  
de/das Göttliche wort predigen lieffen/ das  
denn auch hier in der Stadt zu grosser einig  
keit dienstlich sein würde/ an dem denn bei  
ihnen nichts erhalten / darauff ihnen denn  
gesagt worden/wo sie Gott dem Herren die  
ehre nicht thun wolten / so wurde doch dar  
Gottes Wort geprediget werden / Vnd weil  
es auch mit vns so gelegen / das wir vns des  
feindes alle tage versehen müsten / vnnnd die  
feinde schon hieher ins Landt gefallen / so  
würden sie sich des nicht beschweren/vns ei  
ne Summa gelts auff genugsame verwarun  
gedarzu leggen / vns auch ein handtgelübde  
zu thun/nichtes one vnser vorwissen/aus der  
Stadt zuschreiben/vnnnd die zeit vber inn der  
Stadt bei vns zu bleiben/ es solte ihnen aber  
frei sein / in der Stadt zu gehen wur sie wol  
ten/doch solten sie vnbefahrt sein/ man wol  
te auch ihnen ire einkommen folgen lassen/  
wie es denn bissher gescheen/ vnd die iennen  
so hier geblieben vnd noch hier bei vns sein/  
nicht anders sagen werden / Es ist aber ketz  
ner in dem angelübte allhier bei vns verstor  
ben / Herr Bertram von Dredo ist hier fast  
francē gewesen/ vnnnd hat vns nie angelobt/  
vnnnd ist als ein ehrlicher vom Adel hier bei  
vns mit seinem Bruder in Gott verstorben/  
E Als

Als sie sich nu selbst vnuerlagt aus der Stadt  
begeben / haben wir nach ihrem abzuge an  
sie geschriben vnnnd freuntlichen gebeten/  
auff guten glauben zum grossen Saltze zukom-  
men/dar wolten wir die vnsern auch haben/  
vnd vns mit ihnen freuntlichen vnterreden/  
Es ist aber der stoltz so gross / sonderlichen  
bei den fürnembsten/gewesen/das sie es ver-  
echtlich abgeschlagen. Als wir nu be-  
funden / das sie vnser ergsten Feinde gewor-  
den / vnd was sie in ihren hertzen verborgen  
gehabt/mit der feindtlichen that ausbroch-  
en / so habe wir herwieder vns feindtlichen  
gegen ihnen erzelgen müssen / weren sie aber  
nicht von vns verrückt/so were disß alles wol  
vorblieben / Sie haben aber vnsern vorterb  
vnnnd vntergancß gesucht/auch viel böser an-  
schlege gemacht / so seind wir gedrungen zu  
uorkommunge vnser verterbs /der inn allen  
gesatzten vnnnd natürlichen rechten erlaubten  
defension/zugebrauchen / Verhoffen auch/  
das wir nicht dermassen / wie sie vns auffles-  
gen vnd dahin es von ihnen zum raube vnnnd  
gewalt gedeutet wirdet / gehandelt haben/  
Denn hetten wir ihre Flecken vnnnd Dörffer  
nicht eingenomen / so hetten sich vnser Fein-  
de zu vnserm nachteil vnnnd verterb darein ge-  
legt / vnnnd hat also die vnuermeidliche sahr  
vnd not erfordert / vnser inn allen gesatzten  
auch natürlichen rechten erlaubten Defensi-  
on vnd

on vnd Regenwehr zugebrauchen / Vnd dieweil denn die güther der Magdeburgischen Kirchen seind / vnd nicht der verfolgter / auch hieher zu dieser Kirchen gegeben / so haben diese güther wieder die abgötterei / zu schutze dieser vnser Kirchen vñ reinen Religion / wol mögen gebraucht werden.

Das sie der Kd. Key. vñnd Kd. Ma. sach / 4.  
en / hieher einführen / müssen wir dahin stellen / Wir können aber auch mit gutem gewissen wol sagen / das wir zu anfang des angezogenen Kriegezugs nie gerathen / zu dem das die gegenteil von allerersten inn rüstung gewesen / die Christen zu bereite / vnser sache ist auch nie verhört worden / Das wir aber auff der Ehumpfassen treiben vnd heffichs an geben / in die Acht erklert / müssen wir vnserm H E X X N Gott befehlen. Weile wir aber nichts gefehrlichs noch fursetzlichs wieder die hochgedachte Key. vñnd Kd. Ma. vñnd das heilige Reich gehandelt / wie können wir dann für Rebellen geachtet werden / doch so sind die Propheten / der H E X X Christus / Aposteln vñnd alle Bekenner vñnd Werterer / allzeit als vnghehorsame Rebellen / Auffrührer beschuldiget vñnd verdampt / Wenn sie nicht von der warheit Göttlichs Worts zur Abgötterey / auff befehl vñnd begeren der hohen Potentaten haben treten wollen / Wir haben auch zuuor an die hochgedachte Key. Ma. geschrieben

E ij      schries

schrieben/vnd vns zu vnterthenigem/gebür-  
lichen gehorsam / aller vnterthenigst erbots-  
ten/Haben aber daneben in aller demuth ge-  
beten/vns bey dem reinen Göttlichen Wort/  
one allen Menschlichen zusatz / vnnd bey vns-  
ferm alten herkommen zu lassen.

Es wird aber alles dahin vermerckt  
vnd vmbgangen/vnd auch itzo damit vmb-  
gangen wirdet / das Antichristische Pap-  
stumb wieder auffzurichten / vnnd dem den  
weg zu bereiten / vor dem Beschluß des  
Pepstlichen Tridentischen Concilß/das ver-  
fürische Interim / vnnd ander menschliche  
widerchristliche ordenunge mitler zeit an-  
zunemen / vnd menniglichen zum abfal von  
Gott/vnnd seinem reinen Wort zu dringen/  
damit itzo die armen Christen mit list / be-  
trugß vnnd gewaldt geplaget vnnd verfolget  
werden/darüber wir auch inn die Acht kom-  
men. Vnd das ist auch die einige ursache/  
das wir diese fargenomene Abgötterey mit  
gutem gründe des Göttlichen worts offent-  
lichen widersprochen/vnd noch itzo zur eh-  
re Gottes thun offentlichen widersprechen/  
Vnd wie es zuuor/vnd auch von anbegin der  
Welt her / den Gottfürchtigen rechtgleubi-  
gen gangen/so gehets noch heutiges tages  
in der bösen Welt zu/wenn Christen verfol-  
get sein worden/das man inen die ehre vnnd  
den titel nicht hat wollen lassen noch einreus-  
men/

men / das sie vmb Gottes / seins heiligen  
Worts vñ Euangelij willen verfolget / sunder  
das man ihnen die aller bösesten vbelthaten/  
wiewol mit vnwarheit aufflegt / vnd sie be-  
logen / das dann der Kirchen historien Fler-  
lichen anzeigen / Wie den auch vnser HERR  
Christus seine Christen im Euangelio ver-  
warnet / vnd sagt / das man ihnen alles böses  
mit vnwarheit würde aufflegen / wie dann  
auch der Tyranne Nero / als er selbst die Stadt  
Rom hatte anzünden vñnd brennen lassen /  
solchs den armen Christen aufflegt / vñnd sie  
auch derhalben verfolget / dem folgen auch  
alle Gottes feinde. Was aber inn dem nechst  
vergangenen Kriegszuge geschehen / wollen  
wir vnsern lieben HERRN Gott richten las-  
sen / Vñnd wissen auch noch nicht anders/  
wenn man hett mügen bey dem reinen Got-  
tes wort bleiben vñnd gelassen werden / das  
der verursachte zug / vñnd aller vnratz wol  
were vorblieben. Das wir aber diese zeit her  
in der vermeinten Acht gewesen / vñnd vn-  
mögliche vntregliche ding nicht haben aus-  
richten können / haben wir wol müssen ge-  
schehen lassen / vnd darneben ist man offens-  
lichen inne worden / wie jemmerlichen mit  
den Christen / an vielen örten zu abfall von  
Gott vnd seinem reinen Wort vmbgangen /  
vñnd noch alles dahin getrieben wird / das  
Antichristliche Papstumb wieder auffzu-

richten/vnd die Christen/wenn es möglich  
were/vmb ire seligkeit zu bringen.

5. Auff den fünfften anzugt sagen wir/ ob  
wol mit vns etliche vnterredunge gehalten/  
so habe wir vns doch mit gütlichen antwor-  
ten allewege vernemen lassen/vnnd vnter an-  
dern / wenn wir möchten bey dem reinen  
Göttlichen wort one allen menschlichen zus-  
satz gelassen/vnnd vns die versicherunge ge-  
macht wurde / das wir / vnnd die vnsern  
auffs den Heusern/so wir die verliessen / ni-  
cht beschediget wurden / so wolten wir die  
güter also balde abtreten/daran es dann all-  
wege gemangelt / das dar kein befelch / ge-  
walde noch macht gewesen/vns bey dem rei-  
nen Göttlichen Wort zu lassen / vnnd ist nur  
ein lauter schein gewesen. Haben auch wol  
gehört/das man vns das reine wort Gottes  
nicht lassen/vnd mit vnns kein newes noch  
besonders machē wurde/so ifts auch bey ih-  
nen nicht gestanden. So haben wir auch  
oben mit warheit angezeigt / das wir im of-  
fentlichen kriege/ als von diesem vnnd sen-  
nem alhie ins Erißft gefallen/das man auch  
im fürhaben gewesen/die Heuser gewislich-  
en zu vnser beschedigung einzunemen / zur  
notwendigen defension der Magdeburgis-  
chen Christlichen Kirchen eingenomen/vnd  
das wir nach allen Göttlichen / gesetzten  
vnndnatürlichen rechten zu fürkomung vn-  
fers



fers verderbens / vnnnd widerstrebung der  
Bepstlichen Abgötterey mit gutem Christ-  
lichen gewissen wol haben thun mügen/  
Das auch viel Gottfürchtige Könige vnnnd  
Oberigkeiten gethan / vnnnd damit wieder  
Gott nicht gehandelt. Wie wir einem  
Ertzbischoffe von Magdeburgk / wenn dem  
die huldunge geschehen / verwandt / ist oben  
vermeldet. Wir wolten vngerne / das vn-  
sern halben ander Landt vnd Leute zu schad-  
den komen solten / Wir sind aber der Christ-  
lichen hoffnunge / das alle vmbliegende vnd  
ander Lande / da Christen sein / werden des  
mit vns zu Gott enig sein / vmb Gottes ehre /  
vñ seines heiligen reinen Worts willen / Leib /  
Leben vnd alle das zeitliche vnd vergengli-  
che / zu wagen vnnnd zu lassen / vnnnd vnsern  
lieben HERRN Christo vnser aller leib vnnnd  
gut zu ergeben / vnd jm zu vertrauen / da er in  
seinem Euangelio spricht / vnd allen Christ-  
gleubigen den trost gibt / so ihn Weib / Kin-  
der / Ecker vnnnd Heuser / vmb seines Worts  
willen verlassen werdet / auch allhie auff Er-  
den hundertsechtig zu erstatten / vnnnd her-  
nach das ewige Leben zu geben. Dem müß-  
sen wir / vnd alle Christen mehr gleuben vnd  
gehorsamen / dann den Menschen / es wird  
auch niemands / er sey wer er wölle / er-  
schmücke vnnnd bescheine seine sache / wie er  
wölle /

wölle/er gebe auch so gute wort/wie er wölle  
vnsern HEYNN Gott betriegen.

6. Auff den 6 anzug/dieweille wir nur ei-  
nen schein mit vielen guten worten/vnd das  
kein bestendiger fürschlag dar gewesen/ das  
wir vnd alle einwoner dieser beider Stiff/  
Magdeburgk vnd Halberstadt/bey dem rei-  
nen wort Gottes haben mügen gelassen wer-  
den/vermerck/ so habe wir die natürliche  
zugelassene defension/so aus den henden ni-  
cht komen lassen/ Haben auch auß nachlas-  
sung des Göttlichen rechtens die vnsern bei-  
der reinen waren Religion schätzen mügen.  
Wir wissen auch/das Gott solche halstarrig-  
keit in seinen sachen gebotten hat/vnnd das  
wir/vnnd ander Christen ihn damit ehren/  
wenn sie inn Gottes sachen die menschliche  
Abgöttereien/nicht alleine öffentlichen wie-  
dersprechen/sondern auch leib vnd leben das  
wieder auffsetzen/Vnd wer in dem vermeint  
sein leben zu suchen vnd zu erhalten/vmb der  
menschen fürchte willen/vnnd hoffire den  
menschen/wie er wölle/so wird er sein le-  
ben zeitlichen vnnd ewiglichen/wo er  
sich nicht wieder zu Gott bekeret/verlieren.  
Wieder die Thumbpfaffen mag mit best-  
ferm grunde gesagt werden/das sie ein  
Diebesch/Gewesch leben gefuhrt/vnnd  
dar sie gewaldt haben/schier niemands sein  
Weib vnnd kindt vor ihnen behalten kan/  
Zu dem

In dem das vnser Gott vmb der Weßtlichen  
mannigfaltigen abgötterey vnnnd tyranny  
willen die Welt lange zeit her verblindet vnd  
geplaget/ das sie mit vnrechtem schein vnnnd  
gewalt ihrer falschen Religion viel gütther zu  
sich gerieffen/ Man hat die holtzungen vnnnd  
gütther zur notturfft vnd zur beschirmung der  
Christlichen Magdeburgischen Kirchen ge/  
brauchet. Vnd als wir diese jahrher vns  
alle stund des vberfals haben befahren müß/  
sen/ So haben die Leute zu gemeinem noth/  
wendigem gebew mit wagen vnd pferden ei/  
ne leidliche tregliche hülffe gethan/ denen  
man auch mit etlichen fassen Viers eine er/  
getzlichkeit erzeugt hat. Es mus alles Re/  
bellisch sein/ das ihnen/ frem pracht vnnnd ge/  
walt im wege stehet/ vnt. hun gleich/ ob vns  
ser lieber Gott nicht mit regieret/ der sich zu  
seiner zeit der seinen wird annemen vnnnd er/  
harmen. Das wir auch die Leute mit Mo/  
natlichen schatzungen vnnnd anlagen verar/  
met vnd ausgesogen/ werden sie mit warheit  
nimmer dardun. Haben in diesen dreien  
jaren her nur drei liederliche stewer gegeben/  
vnd die vierde anlage ist nicht vull genomen  
worden/ Die Leute werdens auch nicht sa/  
gen/ vnd ist also ein geringes vnd leidtliches  
gewesen/ das man zu zeiten/ wie jtz berürt/  
von den Leuten zu mit vnterhaltung der ge/  
meinen bülden/ begeret/ das auch nicht so  
geschwin/

geschwinde vnnnd genawe gesucht worden.  
Wenn man aber hier daruon reden sol / wer  
diese beide Stifft vnnnd Lande mit den vielen  
grossen langwerenden Landstewren vnnnd  
schatzungen verarmet vnd ausgefogen / So  
wirdet sichs in warheit also befinden / das  
sie darzu treulichen geholffen / vnd als die ert  
sten vnd fürnemesten darin gewilliget / vnnnd  
von den jren die gemeine stewre vor sich inne  
behalten / vnnnd also beute vnnnd parth genos  
men / vnnnd haben leichtlichen zum scheine ja  
dazu sagen können / damit die andern Stifft  
vnnnd Elöster / auch die gemeine Ritterschafft  
vnd Stete hinannen geführt worden / So ha  
ben sich eins teils mit den fürnemesten im  
Lande jrer selbst auch nicht vergessen / vnnnd  
grosse städtliche Landt vnnnd pfandtgüther  
vnd Schlösser auff Menschen leben / vnnnd  
lange jar an sich gebracht / vnnnd dem Stifft  
entzogen / auch grosse Summen genaden  
gelts / vñ andere städtliche geschencke dauon  
gebracht. Vnd haben also diese lange jar her  
der armen Leute schweis vnnnd blut zu ihrem  
pracht/stoltz/vieschem vnd huren leben ge  
braucht / vñ die andern des Stiffts verwantē  
verführen / ausfaugen vnd verarmen helfen.  
Wenn die vngewöhnlichen Bölle vnnnd auffse  
tze weren erkleret vnd angezeigt worden / so  
wolt man gebürliche antwort geben haben.

7. Vñ ob wol zum 7. von einem Lam / der sie  
doch nicht angehet / meldunge geschicht / so

hat es damit die gestalt/das aus den vmbli-  
gendē landē/vñ auch sonst vns vñ den vnsern  
viel schadens geschehen / vñ wenn die vnsern  
angriffen vñ beschediget worden das die be-  
schediger mit dem raub vñ auch sonst zu dem  
Zam zuflucht gehabt/vñ auch darüber dauon  
komen/das hat eine gute lange zeit so gewes-  
ret/vñ ist kein auff hören dabey gewesen / Im  
Stift zu Halberstadt hat man durch die sin-  
ger gesehen/vnd das alles so geschehen vnd  
gehen lassen/derhalben sind wir gedrun-  
gen worden/den Zam anzugreifen.

Zum 8. siehen sie hier an frembde sache/ 8.  
verschweigē aber den rechten grund derselbi-  
gen. Wenn wir nu darumb von Graffen/der-  
nen vom Adel/vnd andern gezogen werden/  
wollen wir gebürliche vnuerweisliche ant-  
wort darauff gebē. Wir haben lenger deñ ein  
gantz jar zugesehē vnd verduldet/das wir vñ  
die vnsern hart angriffen/vñ mit allerley vn-  
terschleiff beschediget/ vñ als kein auff hören  
dabey gewesen/sind wir zu vnser natürlicher  
defension vñ Regenwehr gedrun-  
gen worden/wieder anzugreifen. Was auch für Fra-  
mer vnd Rauffmans ware an etlichen örten  
gefunden/ kan wol weiter angezeigt werden.  
Das auch mit Frauen vnd Jungfrauen der-  
massen solte vmbgangen sein / wie sie ange-  
ben/wirdt nicht gestanden / Wir haben deñ  
den auch viel dinges / das wir haben aus-

richten Können/wieder geben lassen. Vnd  
ob nu gleich eine sehr alte Frawe etlich tage  
darnach verstorben / wirdt dahin gestellet/  
vnnnd das die Junckern hier ein zeitlanck ent-  
halten worden / ist inen nach gestalten sacht-  
en mit zu gute gescheen / vnnnd seind so vbel  
nicht gehalten worden / Hette man auch  
nach dem handeln wollen/das für gewesen/  
so were es darbey wol nicht blieben / da sie  
doch alle mit ihren knechten one alle entgelt-  
nus seint loss geben worden / des wir auch  
mit ihnen vertragen/ vnnnd der vertrag stadt-  
lichen verbürger worden.

9. Was sie zum Nennenden von achtmal  
hundert tausent gülden angeben / hetten sie  
wol mehr zieffern Können darzu setzen/des ist  
man ihnen nicht gestendig. Die grosse fahr  
vnnnd nott hatt vns zu dem allen/das wir ha-  
ben thun müssen zu vnser natürlichen defen-  
sion vnd fegenwehr/gedrungen/Vnnnd mag  
mit fug vnd grunde für keinen vleschen raub  
noch gewalt erachtet werden. Wenn wir  
aber den schaden anzeigen solten / darin sie  
vns vnnnd die vnsern aus lautern stoltz vnnnd  
muthwillen/wie oben vermeldet / geführt/  
so wolten wir eine grosse stattliche Summa  
auch wol berechnen.

10. Zum Lebenden seind viel Brieffe/Reime  
vnnnd gemelde an andern örtern heimlichen  
gedruckt vnnnd gemacht worden /muß alles  
zu Magde



zu Magdeburg gescheen sein. Wir mügen  
aber mit warheit sagen / das wir haben  
öffentlichen verbieten/ vnd auch an die Stadt  
Thor schlan lassen/ das sich niemands vn-  
terstehen solte/ bey schwerer straffe / auff Key-  
ser/ Könige/ Eurfürsten/ Fürsten vnnnd Herrn  
lesterbrieffe/ reimen odgr gemelde zu drücken/  
es seint auch etliche dar vber gestrafft wor-  
den. Es seint aber gleichwol viel nützlicher  
bücher zu noturffrigem bericht / vnd abwen-  
dung der abgöttereyen / auch zu trost der  
kommen Christen ausgangen. Wir bekenn-  
en/ das dy vnseren nach genedigem Gottes  
willen zur besserung/ vnd nicht zum verderben  
zum teil geschlagen worden / sind aber ge-  
storben für Gottes wort/ vnd jr Vaterland/  
vnd welche vnter inen Christgleubich gewes-  
sen / sind ware Werterer Christi worden.  
Vnd zweiffeln nicht / vnser lieber Gott vnnnd  
Vater in Christo Ihesu werde vns mit seiner  
rechten/ zu seiner zeit/ vnnnd nach seinem Ver-  
derlichen willen wol helffen / der dann auch  
wol weis / wenn vnnnd wie er seine Feinde sol  
angreifen vnd straffen. Es ist aber nicht  
aus einem vnuersehenem zufall geschehen/  
wie sie angeben/ Sondern sie haben Hertzog  
Georgen von Meckelnburg etlich tausent  
Gulden geben/ vnnnd mit seinem kriegsvolck  
zu diesem vberzuge angehalten vnnnd ver-  
mocht/ vnd haben gleichwol mit list vnd bet-  
rug als

trug alle Stiffts verwanten gegen Stast  
furth beschrieben/daruon zu reden / vnnd zu  
rathschlagen / wie man der mordtbrennens  
der Buben/wie sie die selbst genant / aus dem  
Stift möchte loss werden/ So sie doch die  
jennen selbst gewesen / die das Kriegsuolck  
mit gelde in diss Landt gebracht/ das zu ver  
heren vnd zuuerterben. Es haben auch  
beide Capittel sampt den Landtretthen diesen  
negstuerghangenen Somer inn die vnterthas  
nen hart gedrungen / zu bezalunge etlicher  
dringender schulde / eine grosse Summa  
gelts auffzubringen / die sie doch zu diesem  
ihren PfaffenKriege / vnnd verterb beider  
Stift gebrauchet. So schreiben sie auch  
an ander örther/das sie diese Kriegrüstunge  
wieder vns fürghenomen / vnd ist also diss ire  
Pfaffen Krieg/vnnd wird dardurch nicht als  
leine gesucht / vns als die wenigsten Chris  
sten/zuerterben / sonder die Vebstliche An  
tiehriftische vnnd Abgöttische Menschliche  
zusetze vnd ordenungen/wieder einzuführen/  
vnd also ergerlichen vnnd verdamlichen wie/  
der die ware Christenheit zuhandeln / Darü  
ber sie denn Gott gewisslichen / wo sie nicht  
abstehen/wird stürzen vnd vertilgen. Als  
wir nu inne worden / das man den Flecken  
Wantzleben one alle fürgehende absage vnd  
gegeben vrsache vberfallen/gepländert vnnd  
ausgebrenndt/vnd die vielen Dörffer jemmers  
lichen

lichen verheret / vnnnd wir von den armen  
Pauersleuten / Frawen vnnnd Jungfrawen  
mit weinen vnnnd flehen ersucht / ihnen hülffe  
zuthun / So habe wir ihnen aus Christlicher  
liebe vnnnd verwantnuss die nicht weigern  
können / Vnd ob wir wol darüber nach Gots  
tes willen schaden gelitten / so wissen wir  
dennoch vorwar / das wir darumb nicht ei-  
nen vngenedigen GOTT im Himmel haben /  
Wissen auch wol / das vnser Religion vnnnd  
Defension darumb nicht vnrecht sein / Vnd  
das es eine genedige Probe vnd versuchunge  
gewesen / ob wir auch von hertzen bei vnserm  
Gott vnd seinem reinen Wort bestendiglich  
en bleiben wollen.

Als sich denn zum eilfften vnser feinde 11.  
mit lügen behelffen / vnd gerne einen gelimpff  
vnd beifall machen / vnd diesen ihren verher-  
lichen Pfaffenkrieg entschuldigen wolten /  
als solte durch vnser gefangen an tag ge-  
bracht sein worden / neben andern vermein-  
ten Fundtschafften / das wir des fürhabens  
gewesen / alle die vom Adel vnnnd die iren dies-  
ses Stifts zuüberfallen / in grundt zuuerter-  
ben vnd auszutilgen / vnnnd alle das ire preiss  
zu machen / inn vnnnd vnter vnsern gewalt zu  
bringen vnnnd zu zwingen / Das werden sie  
nimmermehr zu ewigen zelten war machen /  
haben das auch nie inn vnser gemächte geno-  
men / Wir haben vns alle zeit / Egen den al-  
ten vnnnd ehrlichen geschlechten des Adels /

aller freundschaft gebür vnd auch beistants  
da das begeret/verhalten/ Das wir aber zu  
zeiten legen denen vns haben einlassen müs-  
sen/ die vns vnnnd die vnsern auff den strassen  
beschädiget/ Darumb kan man je niemants  
mit billigkeit verdennen/ Wollen aber hie/  
mit die alleine gemeint haben/ die vns vnnnd  
die vnsern auff freien strassen beschädiget  
vnd angriffen/ Vnd ob sie wol von etlichen  
gefunden richtschwerten fürgeben/ so ist  
doch ein lauter getichte so aus neidenschem  
hertzen herfleust/ Weil wir aber vnser was-  
genburgk im felde gehabt/ so hat man dar  
bei seihle vnnnd stricke haben müssen/wie ein  
jeder wol bedennen kan/ damit sie denn die  
vnwarheit nicht werden beschonen.

12. Bey der zwelfften falschen einfübringe  
müssen wir geschehen lassen/ das sie diesen  
Pfaffen Krieg erregt/vnd vmb sres prachts/  
stoltz/ vrieschen vnzüchtigen lebens willen/  
Landt vnd Leute verheren vnd verderben/das  
wird ihnen der HERR wol vergelten/so wer-  
den ihnen auch die Leute darumb wol danck-  
en/vnd befinden das sie das ins werck brin-  
gen/ das sich ihres teils öffentlichen haben  
hören lassen/das sie nicht viel darnach frag-  
ten/grundt vnd bodem müste ja da bleiben.  
Vnd ob sie wol itzo die Chur vnd Fürsten/  
des schützes erinnern/vnd zu vnserm verter-  
ben viel einreumen/so balde sie aber das bes-  
sern

fern können / so werden sie den schutz neben  
irem einreumen / so nicht bleiben / sondern  
hernacher wieder abschaffen lassen.

Vnd als dann vnser Feinde bey dem  
dreysehenden Artickel zu vnserm vnglimpff 34  
fürgeben / als solten vns diese Tage von den  
beiden Churfürsten Sachsen vnd Branden-  
burgk / etc. gantz genedige vnd linde mittel  
fürgeschlagen sein / vnd vns also verursachen  
dieselben öffentlichen anzuzeigen / Daraus  
denn menniglichen leichtlichen zuuermers-  
sen / wie genedig vnd linde die sein / wollen  
das auch alle ehrliebende vnparteiische er-  
weisen lassen / Wir zweiffeln aber dennoch  
garnicht / das viel ehrlicher / auch von Her-  
ren / Fürsten / der Ritterschafft vnd Steten  
aller dieser vmblygenden Land vngerne se-  
hen würden / das diese alte ehrliche Stadt /  
aus vielen vrsachen / in frembder Leute handt  
vnd gewalt kommen solte.

### Hiernach folgen die vorge- schlagen mittel.

**D**as sich die alte Stadt Magdeburgk in  
der beider Churfürsten vñ dreier Für-  
sten handt / beneben dem Künfftigen  
Erzbischoff vnd Stifft / zu gnaden ergeben  
vnd gebürliche pflicht thuen.

Dagegen sol die Stadt ihre Bürgere/  
einwo

einwoher vnd verwandte / bey dem heiligen  
reinen waren Gottes wort / inhalts der Aug-  
spurgischen Confession gelassen werden.

Item/die Stadt sol bleiben bey iren löb-  
lichen / wolher gebrachten freyheiten / Privi-  
legien vnd gerechtigkeiten.

Item bey ihrer Festunge vnnnd Landgü-  
tern.

Item der Stadt Regenten / Kirchendi-  
ner / Bürger vnnnd einwoher / sollen an ihren  
Selb vnd gütern vnbeschädiget bleiben.

Darüber wollen hochgedachte Chur  
vnd Fürsten sie sempelichen vnd sonderlich /  
en / auff nachfolgende Artickel / bey der Key.  
Ma. zu der aussöhnung vnd entledigung der  
Acht bringen.

Nemlichen / das sie der Key. Ma. gleich  
wie andere Fürsten / Stende vnd Stedte des  
Reichs gethan / einen Inssfall thun.

Item das sie der Key. Ma. sechszehen  
stücke Büchsen zu stellen.

Item das sie irer Key. Ma. eine Summa  
geldes / bis inn ein hundert tausent Gulden  
zur aussöhnunge befriedigung ihrer Stadt /  
auch zu befreihunge der ausgebetenen güter  
erleggen vnd bezalen.

Die Chur vnd Fürsten wollen auch jnen  
solche Summa geldes zur aussöhnunge ver-  
strecken.

So viel die irrungen zwiffchen dem  
Ertzstift



Ertzstift vnnd Capittel zu Magdeburg an-  
langet / sol die Stadt dem Ertzstifte vnd Ca-  
pittel / alle Flecke vnnd Dörffer / Kente vnnd  
Zinse / wie die namen haben / vnnd wo auch  
dieselbigen gelegen / wiederum einreumen  
vnd zustellen.

Aber beiderseits zugefügter scheden  
halben / sol derselbe punct zu der Thur vnnd  
Fürsten / mechtigen vnterhandlung gestelt  
sein.

Dergleichen so viele die beywonung  
gerund Ceremonien inn der Thumbkirch-  
en zu Magdeburg anlanget / sol es auch  
zu der Thur vnnd Fürsten vnterhandlung  
gestelt sein.

Vnnd damit die Key. Ma. desto ehr-  
müge zur ausfohnungen auff obberürte mit-  
telbeweget werden / So solten sie inn die  
Stadt eine leidliche Besatzunge von der  
Thur vnnd Fürsten wegen / auff derselben ein-  
kost einnehmen vnnd darinne so lange dul-  
den / bis sie der ausfohnunge halben / bey  
der Key. Ma. vorgewisset / vnnd neben den  
andern obgemelten Artickeln volzogen wer-  
den.

So wollen die Thur vnd Fürsten die vor-  
setzung thun / das der Stadt / Bürger vnnd  
einwoner an irer hab vnd gütern / durch die-  
se Besetzung / kein schade solle zugefüget  
werden.

Ire Chur vnd F. G. wollen auch die auf  
sohnungen zum forderligsten an die Kei. Ma.  
mit allen vleis gelangen lassen/ vnnnd dieselbe  
oberzelte z. mass/ vorhoffentlich erhalten.

Do aber solchs bey der Key. Ma. nicht  
zuerlangen/ so wollen als dann ire Chur vnd  
F. G. die Besetzung one einigen schaden/  
aus der Stadt wiederumb schaffen/ vnd dies  
selbe Burgermeister vnnnd Radtmanne / inn  
massen die iren Chur vnd F. G. eingeaantwortet/  
wiederumb zustellen/ alles trewlichen  
vnd vngesehrlichen.

**H**erauff haben wir die antwort geben/  
das wir die Stadt ergeben solten/ stund  
de bei vns dem Rade nicht / Könnten  
auch so vntrewlich bei vnserm Vaterlande  
nicht handeln / Vnd were vnser erachtens  
viel besser / ehrlichen gestorben / denn so  
schendlichen bei vnserm Vaterlande zu han  
deln/ es könnte auch ein jeder ehrlicher vnpa  
rteyischer wol ermessen / Wenn solches neben  
der besetzung nach inhalt des 14. Artikels  
gescheen were / wie lange wir bei der waren  
Christlichen Religion/ vnnnd vnser alten frei  
heit bleiben würden/ Vnd weile dann damit  
vmbgangen wirdet/ das Vebstliche wieder  
christliche Tridentische Concilium zuerfol  
gen/ vnnnd mittler zeit das Gottlose Interim/  
vnnnd andere abgöttische menschliche ordet  
nungen

nungen anzunehmen/ Vnd das auch alle Gots  
tes diener von den Beshlichen Bischoffen  
sollen verhört vnd abilliret werden / vnnnd  
sich denen vnterwerffen / So kan ein jeder  
der nur halbe vernunft hat/ wol gedencen/  
wie lange das reine Göttliche Wort vns vnd  
dem Christen gelassen wil werden / Das  
wir aber das reine G. D. A. t. e. s. Wort lange jar  
her gehabt/ dartzu hat vns vnd andere Chris-  
sten der allmechtige Gott aus lauter gnaden  
vnd barmhertzigkeit beruffen / vnnnd haben  
das alleine von ihm / der wird vnnnd kan vns  
auch wol aus genaden darbei erhalten/ Vnd  
gebe vns je seinen Geist/ das wir darbei mü-  
gen bestendiglichen bisz ans ende / verhar-  
ren / vnnnd vns öffentlich darzu bekennen/  
das wir je zu dem abfall seines Göttlichen  
Worts / vnd zu den Beshlichen abgöttereien  
nicht mügen gerathen. Wie können vns  
doch andere bei dem reinen Wort G. D. A. t. e. s./  
one allen Menschlichen zusatz behalten / die  
doch selbst in denen sachen wancken / vnnnd  
den Menschen hoffiren sollen.

Was aber des Stiffts vnnnd der Rhu-  
berrn güter belanget/haben wir die schrifts-  
liche antwort geben / das wir wol gescheen  
liesen / das ihnen die güther folgten / vnnnd  
was zu beiderseits vor schaden gescheen / das  
solches inn der handlung eegeneinander  
aufgehoben würde / Das sie aber itzo hers-  
einner

einher in die Stadt kommen vnd wonen sol-  
ten / sunderlichen ire abgöttische falsche Re-  
ligion wieder anzurichten / könten wir Fegen  
Gott vnd der waren Christenheit mit gutem  
gewissen nicht verantworten. Was aber  
die gantze handelunge anlanget / were wol  
zu glauben / wenn die Chur vnnnd Fürsten bei  
dem reinen Göttlichen Wort aus G<sup>o</sup>ttes  
gnaden auch bleiben würden / das solches  
one anfechtunge nicht gescheen würde / das  
wir bei ihren Chur vnd J. G. vnd allen bekenn-  
ern des reinen Göttlichen Worts mit vn-  
serm blut vnnnd leben gerne bleiben wolten.  
Vnnnd dieweile dann diese sache im grunde /  
Gottes ehre vnd sein reines Wort / vnnnd also  
die ware Christliche Religion / vnd nicht al-  
leine vns / als die weinigsten / sondern alle  
hohe Potentaten / Churfürsten / Fürsten /  
Herren / Stedt / Landt vnd Leute so das wort  
Gottes noch reine haben / anlanget / Vnd da-  
mit wir den rechten Christen nichts erger-  
lichs inn handelungen einreumbten / so wol-  
ten wir in aller vnterthenigkeit demütiglich-  
en gebeten haben / das alle die vmblickenden  
löblichen Fürsten / Graffen / Herren / Landt-  
schafften / von Ritterschafften vnd Stedten /  
möchten zusammen beschrieben werden /  
von diesen sachen nach dem reinen Wort  
Gottes vnergerlichen zu reden vnnnd zu han-  
deln / vnd vnserm lieben G<sup>o</sup> die ehre zu-  
thun /

thun/one alle menschliche furchte vnd hof-  
funge/seinen heiligen namen vnd sein heil-  
ges allein seligmachendes Wort vor der  
gantzen Welt öffentlich zubekennen / So  
waren wir des vnterthenigen erpletens inn  
Gottes sachen vns seinem reinen Göttlichen  
Wort gemess zuuerhalten/Vnd in allen zeit-  
lichen dingen/billige/leidliche vnd mögliche  
wege nicht auszuschlahen / Diese vnser ge-  
geben vntwort vnnnd erbietunge/ wollen wir  
von allen ehrliebenden vnparteieschen from-  
men Christen hohes vnd niederstandts rich-  
ten lassen.

Wir gestehen das man nach anzeige  
des dreitzehenden Artickels der vorberürten  
Instruction sich erbotten / vnser Gesandten  
mit schriftlichem vnnnd leiblichem geleidte  
nach Augspurgk zuuorsehen / vnnnd das ein  
reitender Bott / von etlichen Stenden vnnnd  
botschafften/so auff dem itzigen Reichstage  
zu Augspurgk versamlet/an vns mit schrift-  
ten vnd geleiten geschicket/vnd das wir den/  
selbigen Botten mit vnterthenigsten schrift-  
ten vor dem erbieten schon abgefertiget.

Dieweile aber das geleidte sich dahin erstre-  
cket/mit vollem gewaldt vnd macht zuschic-  
ken/vnd wir belagert wurden / so haben wir  
vns vnterthenigst entschuldigen müssen/das  
wir itzo niemands / wie es dann auch war  
ist/vermöchten auffzubringen / der sich inn  
solchen

solchen hochwichtigen sachen / mit voller  
macht vnnnd gewalt wurde verschicken laß  
sen. So stehet auch das nicht bey vnns als  
den Menschen in der waren Religion sachen  
etwas wider Gott vnnnd sein heiliges reines  
Wort einzureumen / were auch viel besser das  
wir nie geboren weren / dann das wir solten  
gegen der waren Christenheit ergerlich han  
deln / haben aber vnterthenigst gebeten / die  
vnsern auffein hinführen dahin zubeschel<sup>er</sup>  
den / mit demütigst erbietunge vns aller ge  
bür vnnnd schuldigen gehorsams vnterthe  
nigst zuverhalten / des thu wir vns zu vnserm  
gethanen schreiben beruffen.

Und ob wir nun wol mit vnsern Daals  
Pfaffen zuthune / vnd wir im grunde / wie es  
Gott wol weis / des reinen Göttlichen worts  
halben nach Gottes willen leiden / verfolget  
werden vnnnd ans Creutz komen / So haben  
wir je andern Landtschafften nichts zu leidet  
gethan / Vnnnd weile sie dann auch Christen  
sein / vnd bey Gott ewig leben wollen / so ha  
ben wir keinen zweiffel / sie werden Gott vor  
augen haben / ire gewissen gegen vns armen  
Christen reine behalten / vnd nicht beschwe  
ren / auch Christlichen bedencen das der lie  
be Johannes sagt vnnnd hoch vermanet alle  
Christen / das sie auß Christlicher liebe vnnnd  
verwantnis / ire Brüder vnd Mitschriften ni  
cht alleine nicht sollen helfen verfolgen / son  
dern



derñ auch ire leben für sie lassen / So mügen  
sie auch wol glauben / das die verfolgunge  
wieder sie auch nicht wirdt ausbleiben / weñ  
sie bey dem reinen Wort Gottes bestendigli-  
chen bleiben werden.

Vnnd ob man sagen wolte / wir weren  
dennoch in ander Lande gefallen / vnd daselz  
best schaden gethan. Hierauff ist diss vnser  
antwort / das wir lenger denn ein gantz Jar  
haben geduldet vnnd zusehen / das inn der  
Marcke zu Brandenburg die vnsern an iren  
leib vnnd gütern hart vnnd vielfeltiglich be-  
schedit / vnnd kein auff hören dabey gewe-  
sen / vnd das also viel armer Leute vnd wesen  
von den vnsern gemacht worden / zu dem  
das man auch hieher in diss Landt gefallen /  
vnd den vnsern ire güter beschedit / geplun-  
dert vnd jnen ire Diebe genomen vnnd weg-  
getrieben / das wir auffanregen vnser besche-  
digten Bürger die gegenwehr vnd defension  
die dann auch inn allen natürlichen rechten  
verleubt / wiewol vngerne / haben fürnemen  
müssen.

Vnnd weile wir dann itzo von  
dem Churfürsten zu Sachsen etc. werden bes-  
lagert / vnnd auch etliche zeit her / durch das  
Kriegsvolck sind hart angriffen / vnd die vn-  
sern beschedit worden / vnnd vnser Kriegs-  
volck zu zeiten wieder hinaussen feldt / so ste-  
het es nicht allewege bey vns / wenn sie hin-  
aussen komen / wo sie angreifen / sondern  
wenn

wenn sie wieder herein kommen / sagen sie das  
sie die Feinde wieder müssen antasten / Wer  
wil vns nun mit billigkeit darinne verdenck  
en / Wir wolten gerne gegen menniglichem  
friede haben / wenn man vns nur friede ließ  
se / Es wird je ein Worm so lange getreten  
das er sich regen mus / So ist je auch in allen  
natürlichen rechten die nothwendige gegen  
wehr vnd defension verleubt / Vnd als man  
nun ein zeit her im werck gewesen vnd noch /  
vns vnd die vnsern an leib vnd gut / auch mit  
Heres krafft zuuerterben / das zeitliche vnn  
auch das Göttliche wort / so hie aneinander  
hangē zu verstören. Wenn nun vnser kriegs  
volck zu vnser natürlichen defension wieder  
herauffer feldt / vnn vnser Feinde etwas ein  
weinig wieder angreifen / vnn wir doch zu  
vor wol zehenfachtig zum heftigsten angrif  
ffen worden / so wil man den Landtfrieden  
wieder vns anziehen / vnn vnter dem schein  
einem jedern seine natürliche defension vnn  
seine freiheit benemen / vngeachtet das die  
fromen alten ehrlichen Deudtschen vmb irer  
freiheit willen / ihre blut vergossen / die auch  
mit allen ehren vnn rhumlichen wol her  
bracht. Nu belangen diese sachen nicht  
alleine die freiheit des gantzen Vaterlandes /  
sondern Gottes ehre / sein reines heiliges  
Wort / vnd aller Christen seligkeit / darfür die  
Gottfürchtigen Könige / Obrigkeiten vnn  
die frow

die fromen Machabeer ire selb vnd gutt ge-  
wagt vnd auffgesetzt/vnnd wieder die grosse  
macht ihrer feinde der abtrünigen Jüden  
vnd der Gottlosen trotz einen ewigen namen  
erhalten.

**V**ff das so die Verordencen des  
Capittels sampt den Stenden des Ertz-  
stifts Magdeburgk vom grossen Saltze den  
xi. Octobris dieses gegenwertigen jares an  
ander orte/hin vnd wiederzu vermeinter ent-  
schuldigunge vnd besohnunge irer verherlis-  
chen freigrüstunge geschrieben /das zuuor  
nicht sunderlichen angerürt / folget  
nachfolgende verantworte.

**A**ls die gemeine Rit-  
terschaft vnd auch die Stette  
des Stifts Magdeburgk/dar-  
inne solten gewilliget haben/  
das vber vns zuschreiben/wird noch zur zeit  
nicht geleubt. Das wir der meinunge solten  
gewesen sein / den Adel vnnd die Stende zu  
vberziehen/mit einnehmung plünderunge vnd  
brandt/anzugreifen vnd das sie des allerley  
gewisse vnd beständige anzeige vnd verwar-  
nunge bekommen hetten / Vnnd das zwelff  
Richtschwerter sampt etlichen scharffrich-  
tern be-

1 tern befunden vnnnd gefangen / werden sie zu ewigen zeiten nimmermehr mit̃ warheit darthun / seint vnnnd bleiben lügen / so aus feindtlichem neidischen verstockten hertzen herfließen/darmit sie vns vnuerſchempt gerne bey den leuten wolten verunglimpfen/ ihnen einen beifal machen/Edel vnnnd vnedel wieder vns hetzen vnd erreitzen/auch Christi liche hülffe vnnnd beistandt / abstricken/Solche vnerfindtliche aufflagen/lassen sich nicht mit lehren blossen Worten bekundtschaffen/ zu dem das es nicht newe ist/sunder allewege so hergangen / das die Christen stets belogen werden/ Das aber bey der Wagenburch vnd dem geschütze stricke befunden / kan ein jeder vnparteiſcher wol ermessen/ das die zu der noturfft darbei haben sein müssen/ Worauff die gutlichen hendel gepflogen vnnnd woran es stets gemangelt / ist oben angezeigt/ Wenn sie nichts liebers denn gütche vñ vñ friede gesucht herten/ so weren sie wol bey vnns inn der Stadt blieben/ haben sich aber bedüncken lassen/ es were nun die rechte zeit vns zu ihrem gefallen eigen zumachen/ Was vns in guttlichen hendeln vermittel vnd wege fürgeschlagen / was wir auch auff die Heuser/Fleck/vnd Dorffer verantwort geben vnd eingereunt / ist oben vermeldet/ daraus sich denn selbst ablenet/das sie mit vngrunde von sich schreiben/als solten wir vns in gutlichen

lichen hendeln haben hören lassen/das vnns  
nicht leidlich sein wolte / das sie die heuser/  
flecken vnd dorffer forder haben vnd behal-  
ten solten / Wir seint ihre vnderthan nie ge-  
wesen / den Ertzbischoffen aber haben wir  
darauff vnnd darlegen huldunge gethan.  
Vns bey vnserm rechten/freiheiten / gerecht-  
tigkeiten/gebreuchen vnnd gewonheiten zu-  
lassen/Es seint aber die Luthumherren alles  
ge damit vmbgangen vnns darumb zubren-  
gen / vnnd alle zucht nach ihrem härtschen  
vieschen leben zuuerstören. Das sie auch wei-  
ter schreiben/das sie vnns vnser Religion ni-  
cht gehindert noch verbotten / hat warlich-  
en an ihrem guten willen nie gemangelt vnd  
noch/das sie es aber hier bey vns in der stadt  
dabin nicht haben bringen können/des dan-  
cken wir vnserm lieben Gott / Sie heissens  
noch verechtlichen vnser Religion/so es doch  
die ware Gottes Religion ist / vnnd bleiben  
bei dem Antichrist vñ ihrem abgott/dem sie  
auch zugethan vnd verwant/auch nichts lie-  
bers segen / denn das solche vnnd andere  
menschliche abgöttereien wieder angehen  
möchten. Mit dem Landtfrieden wolten  
vnser vnnd der Christen Feinde / gerne jeder-  
man vuterhalten / von dem reinen Gottes  
Wort vnd der freiheit des Vaterlandes / zu-  
brennen / vnd missbrauchen sich also der ge-  
satzten ordenunge. / Sie habens auch nicht

alleine bei irem schreiben gelassen / sondern  
haben auch zu mehrer beschonunge ires ge-  
thanen schreibens / etliche besunderer Arti-  
kel darbei vberschicket.

Was sie von Keysern vnnnd Königen  
fürbracht/darauff sage wir / das sie durch  
mancherlei wege vnnnd finantzen vns mit vns  
grunde vnd vnwarheit iren Key.vnd Rō.Ma.  
angeben/auch eine grosse vrsache sein / wur-  
umb wir in die acht gethan/Wir sagen aber/  
das wieder die hochgedachte Key. vnnnd Rō.  
May. vnd das heilige Reich / wir nichts ge-  
ferlichs gehandelt. Das wir viel vnd lange  
jar her weilandt den Ertzbischoffen zu Mag-  
deburg nacheinander iun viel wege solten  
vngheorsam vnnnd widersetzlig gewesen  
sein / des seind wir nicht gestendig /  
wenn sie auch die ding hetten erklet / wur-  
In odder wurmit wir vngheorsam vnnnd  
widersetzlig gewesen weren / so wolten  
wir gebürliche antwort darauff geben/ dars-  
ffen aber selbst damit nicht herfür kom-  
men. Das sie auch vnser Vbrigkeit gewes-  
sen / seind wir ihnen nicht gestendig / ha-  
ben ihnen auch nie vnser Eide vnnnd pflichte  
gethan / Wenn wir auch einem Ertzbischo-  
ffe auff fürgehende beredung huldunge ge-  
than/so ist die darauff gescheen / vns bei vn-  
sern Sachsen Rechten / auch vnsern freihei-  
ten/gerechtigkeiten/gebreuchen vnd gewon-  
heiten



heiten zu lassen/So offit man sich aber vnter/  
standē/dawieder etwas fürzunemē / so habē  
wir dasnicht wissen einzureumen / darüber  
hat sich zu zeiten irrungē vñ widerwillē zuge  
tragen. Vnd als man in Eurtz vergangenē ja  
ren eine gute lange zeit / damit vmbgangen  
diese Lande mit trefflichen grossen vielen vñ  
langwerigen stewren vñ Landtschatzangē zu  
uerterben / das haben wir auff den gehalten  
Landtregen trewlichen auch öffentlichē wie  
derfochten/vnd das es bey weilandt den vor  
rigen Ertzbischoffen die sich auch Fürstlichē  
vñnd ehrlichen gehalten/so nicht herbracht/  
So haben doch die Capittel die ersten stim  
me gehabt/zu irem eigen nutz/auff sonderli  
che geschencke vnd gaben/darin gewilliget/  
auch mit beut vnd part genomen/dazu dann  
etliche von den furnemsten von der Landt  
schafft auch gezogen / Psantheuser / Benas  
dengelt/vñnd anders bekommen/das sind die  
rsachen vñsers vormeinten vñgehorsams  
vnd widersetzens/habens aber leider nicht  
hindern noch wehren können / Vñnd zupor  
derst das auß Gottes genaden/sein heiliges  
reines Wort / wieder an tag komen / vñnd  
das ihre Abgöttische falsche Religion auß  
brochen/ire stoltz/pracht vnd hoffart so viel  
nicht gälten/das hat ihnen von hertzen ver  
drossen/wieder vns vñnd alle Christen alles  
zuthun vñnd zuhandeln/das inen möglich ge  
wesen/

wesen/ damit sie vnnnd ihre anhenger noch  
vmbgehen/ das Antichristische Reich wie  
der auffzurichten. Wir gestehen nicht das  
wir weilandt Herrn Johans Albrechten etc.  
die gewonliche huldigung nicht haben leis  
sten noch thun wollen / sondern wie es ge  
brauchlich herbracht / als man zur furges  
henden handelunge komen / haben wir bes  
funden/ das die Rumbherrn viel newerun  
gen ynterbawet/ die wir so nicht haben ein  
reumen konnen/ Vnd ist inen allwege dafur  
leide gewesen/ das wir mit dem Ertzbischof  
se zu wol stehen möchten/ das sie dann stets  
gehindert vnnnd geweret/ Als sie auch vnuer  
iagt aus lauterm stolzt abgewichen vnnnd in  
vielerley wege feindtlichen gegen vns gehan  
delt/ vnnnd aus irem anreitzen alle stundt des  
vberzugs haben erwarten müssen/ wie dann  
bereit die Deudtschen Hussern vnnnd Span  
nier zu vns ins Landt gefallen / vnnnd hier an  
vielen orten geplundert / Sind wir geursas  
chet vnser feinde die Rumbherrn wieder an  
zugreifen/ vnd die grosse fahr vnnnd not/ hat  
vnns zu vnser natürlichen defension gedrun  
gen/ die Stadt so viel immer möglichchen zu  
befesten/ vnd die etlichen Klöster vnd Kirchen  
so nahet der Stadt vnnnd auff vnsern Graben  
vnd schedtlichen gelegen/ wegzuthun. Aus  
was vrsachen wir etliche Heuser/ Flecken vnd  
Güter zu vnserm beschutz haben müssen ein  
nemen/

nemen / Vnnd das wir auch die Leut in den  
Dörffern so nicht mit diensten vnnd stewarten  
beschweret / wie sie angeben / ist oben bereit  
mit warheit verantwort. So hat man auch  
mit den todten Corporen so nicht vmbgan-  
gen / wie sie schreiben / Die gebeine aber vnd  
was noch an Corporen vnuerwesen / so man  
im graben vnd barren angetroffen / hat man  
an ander orthē vñ tieffer vergrabē lassen. So  
hat mā auch jederman nachgelassen die seinē  
so noch vnuerwesen gewesen / an ander örter /  
auch einer Wiedtwen vom Adel jren vnuer-  
wesenē Man inn den Thumbcreutzgangē  
begraben zu lassen / So sind das nicht Diu-  
na / die in jren Kirchen nachgelassen / sondern  
sind Baals vnd Abgöttische menschliche ge-  
prenge gewesen / es sind auch nicht jhrer Kir-  
chen Ornat verbrent / was sie vom schetzen  
vnd Kleinodien gehabt / haben sie lange zuvor  
aus der Stadt bracht / So sind auch ire Key-  
vnd Kd. brieffe / Privilegia / vrkunth vñ ander  
schrifte mehr / noch vorhanden vñ nicht  
verbrandt / wie sie mit vnwarheit angeben.  
So sind auch ire Priester vnd Kirchendiener  
nicht geschlagen / haben selbst die Kirchen be-  
raubt / vñ zu jrem nutz von binnen gebracht /  
Man hat auch keinen Pfaffen vom Altar ge-  
trieben / vñ aus Kirchen vñ Klöster veriaht /  
sondern mit denen die hier geblieben / hat  
man freundtlichen gehandelt / vñ inen bise-  
3 ver

her ire notturfft folgen lassen. Das sie  
weiter wiewol mit vnwarheit angeben / das  
wir des hochlöblichsten weilandt Keyfers  
Otten des grossen Begrebnis hier solten er-  
offent vnd violirt haben / vnnnd wie sie weiter  
anhengen vnmensschlicher vnnnd mutwilliger  
weise mit tumult / vnnnd also mit vielerley  
schmehe vnnnd schamparen Worten / wieder  
dauon gangen weren / werden sie nimmer zu  
ewigen zeiten mit bestande dardun / dieselbe  
ehrliche Begrebnis ist noch inn der Rhumb/  
Kirchen gantz vnd gar vnuerferet / die vnsern  
sind auch dazu nie komen / noch dürfen sie  
vnuersehemet solche lägen von sich schreib-  
ben / Wir wissen Gott habe lob wol / wie man  
die hochlöblichen Keyser vnd ire gedechtnis  
in allen ehren verhalten sol / wissen auch wol  
was trefflicher herlicher thaten der hoch-  
löblichste weilandt Keyser Otto der grosse/  
milder seliger gedechtnis / gethan / vnnnd das  
er der herlichen Deudtschen Nation alte frei-  
heit / hat trewlichen helfen erhalten vnnnd  
fortsetzen / Sie führen ein Abgöttisch / Hei-  
denisch / Türckisch / Diesch vnd Huren leben /  
das wollē wir vnsern lieben Gott / das Wort  
Gottes / alle ehrliche Leut / auch die from-  
men rechten Christen erkennen vnd auch die  
öffentliche that reden lassen. Mit dem  
Kloster zu Hammersleuen / das sie doch nicht  
angehet / hat es die gestalt / das die Mönche  
zu vnserm

zu vnserm nachteil vnd verderb lange zeit her/  
vnser feinde vnd beschediger gehauet vnnd  
geheget / vnd das auch viel geraubter güther  
in dem Closter verbeutet vnd verpartet / auch  
von kram vnnd kauffmans war darinne viel  
gefunden / Vnd als kein anffhören da gewes-  
sen / so seind wir dahin gedrungen worden/  
sie etwas anzugreifen / Was sie von kleino-  
ten gehabt / haben sie lange zuvor an ander  
örte gebracht. Was sie von iren Celebran-  
ten / consecirten Ostien / vnnd was aus iren  
kelchen vergossen / vnnd iren Monstrantzen  
genommen / vnd auff die erde mit füßen zurtre-  
ten / vnd etliche von den Mönchen ermordet  
sein sollen / seind Mönchs lügen / Wie aber  
die Thumbherren mit diesem irem kriege die  
Clöster angreifen lassen / werden sie wol in-  
ne / Doch wenn nur das reine Gottes Wort  
möchte nach irem willen ausgerottet wer-  
den / darzu geben sie nur alles was sie haben  
vnd auffbringen können / setzen auch Landt  
vnd Leute in die schantze.

Die frembde  
sache des Thammes ist oben verantwort.

Wenn wir den Thumbherren nach Leib vnd  
leben hetten trachten wollen / Wie es denn  
vnser Feinde gewesen vnd noch / so wolte wir  
dem wol anders nachgesetzt haben / Sie  
seind aber mit der that damit vmbgangen  
vnd noch / vns grüntlichen zuuerterben.

Wie vnser Nachbarn eins teils / sich nicht

alleine legen vns / sondern auch den fremb-  
den reisenden Kauffleuten gehalten / sie beno-  
men vnnnd beschediget / darumb denn viel  
frembder leute klagen / vnd doch nichts aus-  
richten / ist yberal kunlich vnd offenbar / das  
wir auch zu letzt vnsern vnnnd der vnsern vor-  
terb nicht lenger haben zusehen können / vnd  
etliche wieder haben angreifen müssen / ist  
oben genugsam angezeigt / Das auch mit  
Jungfrawen vnnnd Frawen / auch den Jun-  
ckern so hier enthalten / der massen solte ge-  
handelt sein worden / wie sie zu vnserm vn-  
glimpff angeben / wird nicht gestanden / hat  
sich auch der gestalt so nicht zu getragen / sie  
wolten gerne ire thun mit frembden sachen /  
wenn sie nur könnten / beschonen. Das sie  
iren vnd frembden vermeinten schaden yber  
achtmal hundert tausent galden anschla-  
hen / wird dahin gestellet / hetten auch wol  
die Summa auff höher linien leggen können /  
ist oben auch verantwort / wir konten auch  
wol je so einē grossen ja auch grossern schadē  
berechen / darinne sie vns aus lauterem stolz  
vnnnd mutwillen gefurt haben / In was vn-  
uorwindlichen schaden / sie itzo durch dieffen  
iren Erig diese lande vnd leute zu irem pracht /  
abgöttischen wesen / vieschen vnnnd hürischen  
leben / setzen / können sie vor GOTT vnnnd der  
Welt nimmer verantworten. Wieder die  
Key. vnnnd Rō. Ma. auch Churfürsten vnnnd  
Fürsten



fürsten des Reichs / haben wir nichts auß  
bösem fürsetz / auch nichts vnehrlichs noch  
schmelichs gehandelt / Aber das ist war / das  
wir bei dem reinen G<sup>o</sup>ttes wort one allen  
menschlichen zusatz / auß Gottes genaden  
haben bleiben / vnd vnser leib vnnnd gutt auff  
setzen wollen / darüber wir denn bisher inn  
mancherlei wege verfolget / angriffen vnd bes  
chweret worden / Vnd noch itzo werden bes  
lagert vnnnd angriffen / darfür auch ein jeder  
Christ sein leib vnnnd leben wagen vnnnd auff  
setzen mus.

Vnd als sie weiter schreiben  
das wir nuhn die herren des Rhumcapittels  
bis in die xxvj. jar heidnischer vnnnd vnuer  
nunftiger weise / solten angetast haben / die  
Rhumbherren vnnnd andere geistliche mit stei  
nen kot vnnnd allerley feulnisse / so auff den  
gassen hin vnnnd wieder zusammen gebracht  
vberfallen / geworffen / auff der gassen mit  
vnerlichem geschrei angefarē / verfolget / aus  
einer gassen in die andern geiagt / ihre heuser  
bei tage vnd nacht gestürmet / auch die tho  
ren vnd pforten in iren wonungen bei necht  
licher weile mit feur angebrandt vnd die fen  
ster zuworffen haben.

Hierauff sagen wir /  
das sie in der heidenischen weise stecken biss  
an die oren / dieweile sie die Webstlichen ab  
götterei haben / halten vnd vertedingen / Auch  
nichts liebers seggen / denn das die ware  
Christliche Religion des reinen G<sup>o</sup>ttlichen

worts/müchte gantz vnnnd gar ausgerottet/  
vnd ire falsche abgöttische Religion zu ihrem  
pracht vnzüchtigen vnd viesehen leben / wie/  
der auffgerichtet werden / darüber haben sie  
vns nun in die xxx. jar her / verhasset vnnnd  
verfolget/ Vor vier oder fünff vnd zwentzig  
jaren als die Ehmheren die Palmen haben  
weien wollen haben sich allerlei handwercks  
vnd ander gesellen zusammen geworffen vnnnd  
iren spott daraus getrieben/ Es mügen auch  
zu der zeit Pfaffen vnnnd Mönche wol ange/  
schrien / auch Fenster/ Pfaffen vnd bürgern  
ausgeworffen sein worden / Man hat aber  
der viel verwiesen vnd gestraffet / So haben  
die Stifft zu der zeit einen feinde gehabt mit  
namen Jacob Mertens / der allhier inn der  
Stadt den Pfaffen/auch Herren des Raths/  
vnd bürgern/luntten in die höffe vnnnd heuser  
gelecht/auch den bürgern heuser / roß vnnnd  
wintmöllen abgebrant / Das aber die Ehm/  
heren von einer gassen in die ander solten ge/  
lagt/ire heuser bei tage vnd nacht gestürmet/  
auch ire Ehor vnd Pforren in ihren wönnun/  
gen mitß feur angebrandt worden / ist nicht  
gescheen wirdt auch so nicht gestanden/ ha/  
ben auch nie derhalben geklagt / Sie haben  
aber sieder her bei vns einen zeitlichen eusser/  
lichen guthen Frieden gehabt/ also das sich  
hier auch an ihnen niemants hat vergreiffen  
dorffen / Können auch nicht anders sagen  
wenn

wenn sie die warheit reden wollen. Vnd  
vbertichten vns solches das sie vber vns  
schreiben/thun vns in dem vnrecht vnnnd ge-  
walt/ werdens auch nimmer mit warheit  
darthun.

Die beschene beschickunge alhier des  
Capittels ist dermassen so nicht ergangen  
wie sie vnerfindtlich fürgeben/das ist ann sie  
nicht gebracht noch begert das sie von ihrer  
Religion solten abstehe/der gantzlichen ab-  
sagen / vnnnd sich mit vnser Religion ver-  
gleichen/ In dem schreiben sie viel zu milde/  
ist auch so nicht gescheen / wir wissen auch  
wol das sie Gottlos sein/Vñ in den mensch-  
lichen abgöttereien verstocket/sonder hat al-  
so gelautet/dieweile das reine Gottes wort  
numehr an tag kommen vnd auch öffentlich  
en mus bekandt werden / so wolt man sie  
dienstlichen vnnnd freuntlichen bitten / sie  
wolten einen gelerten erlichen Doctorn der  
heiligen schrift/bestellen/in der Rhumkirch  
en Gottes wort zupredigen / das haben sie  
aus verachtung abgeschlagen/ Vors ander  
so hatt man von keiner vereinunge gesagt/  
sunder sie angelanget vñ gebeten/ dem Rade  
etlich tausent gülden auff verwarunge fürzu-  
strecken / So ist man nicht von dem Capit-  
telshause in die Stifft kirchen gangen/es ist  
auch dar kein tumult gewesen/Man hat aber  
wol die Vicarien in den Creutzganck gefor-  
dert/

bert / vnnnd sie freuntlichen angesprochen/  
vnd von inen ein gelubnis genomen / aus der  
Stadt vnnnd wieder den Radt nichts zu  
schreiben / es ist auch keins geldes gedacht  
worden / die aber auff irer falschen Religion  
verharret / mügen wol hernacher außs der  
Stadt gewichen sein / So hat man auch von  
den andern Collegiaten Pfaffen vnd Klöster  
Personen / gelubte genomen / aus der Stadt  
nichts zu schreiben vnnnd wieder den Radt  
nicht zu handeln / Ire Privilegia brieffe vnd  
Kirchen Ornat / hat man von ihnen nicht be-  
geret. Was sie von silbern vnd gülden Klei-  
nothen gehabt / mügen sie wissen / haben das  
zuuor verpartiret / vnnnd an ander örther ver-  
schicket / So hat man auch denen so hier ge-  
blieben / ire notturstt verreichen lassen / vnd ist  
Gott darumb zu dancken / das ire falsche vnd  
Abgöttische Kirchen dienst vnnnd geprenge /  
gefallen. Was aber von Renten vnnnd  
Zinsen eingenomen / damit ist die ware  
Christliche vnnnd Magdeburgische Kirche zu  
abwendunge der Abgöttereien / vnd zur not-  
wendigen defension / beschützt vn̄ gebraucht  
worden / das dann die Göttliche vnd natürl-  
liche recht nachlassen / auch viel Gott fürch-  
ter Könige gewesen / die dazu auch der Kir-  
chen güther seliglichen gebraucht haben.  
Darumb so haben wir nicht wieder Gott /  
ehre / Menschliche gesellschaft / vernunft /  
gute

gute sitten/recht vnd billigkeit/wie sie schrei-  
ben/ gehandelt. Was aber die ange-  
zogene Brieffe vnd vertrege belanget/hetten  
wir vor vielen Jaren wol leiden können/wie  
wir sie auch dienstlichen vnd freuntlichen zu  
mehr malen darumb gebeten / das sie recht-  
schaffene/Gottsfürchtige/gelerete Leute in der  
Thumkirchen das reine Göttliche wort het-  
ten predigen lassen/vnd das sie dennoch bey  
alle dem ihren wol hetten bleiben mügen/Es  
ist ihnen aber der Antichrist zu Rom viel zu  
lieb gewesen/haben auch viel mehr die Men-  
schen gefurcht vnnnd beliebt / dann Gott den  
Herrn vnd sein heiliges Wort. Vnd die-  
weile dann auß Gottes gnaden / seine Gött-  
liche warheit / vnd die rechte alte Apostoli-  
sche vnd Catholische Lehre/wieder ans licht  
komen/so haben wir sie bey irem Abgöttisch-  
en/Wiederchristlichen wesen hier bey vnns  
nicht verteidigen können noch mügen / ha-  
ben je mehr vnserm lieben HERRN vn Gott  
vnd seinem heiligen Wort/ dann den Men-  
schen gehorsamen müssen / vnnnd dawieder  
haben vnns keine Brieffe noch vertrege vor-  
binden können. Vnser Vorfahrn sind auch  
leider in der blindtheit so wol als die gantze  
Welt gewesen/vnd sind damit verführt wor-  
den/als were ire der Thumbherrn thun/von  
der rechten waren Apostolischen Kirchen  
hergefloffen/Weil aber nunmehr durch den  
S . . . mundt

mundt Gottes ire Antichristische / Abgöttische wesen an tag komen / vnd darnieder ge-  
lecht worden / so sind wir gegen Gott vnd der  
waren Apostolischen / Catholischen Kirchen  
wol entschuldiget.

Was wir aber mit  
weilandt Ertzbischoff Albrechten inn zeit-  
lichen sachen / vor einen Vertrag auffge-  
richt / ist oben vermeldet / vnnnd haben inn  
dem ehrlicher vnnnd trewlicher bey dem  
Ertzbischoffe vnnnd dem gantzten Lande/  
dann sie je gethan / gehandelt. Was haben  
sie anders gethan diese 26. jar her / vnnnd len-  
ger / denn das sie mit grossen statlichen lang-  
werenden vielen schein genommenen Landts-  
schatzungen / wieder alt herkommen der löb-  
lichen vorigen Ertzbischoffe / diese land vnd  
leute / auch mit zu irem nutz vnnnd pracht ha-  
ben helfen verarmen vnd ausfaugen / Darü-  
ber sie vnnnd etliche von den fürnemsten der  
Stift sich bereichert / vnd diese Lande vnnnd  
Stift in eine ewige verterbliche einföhrung  
gebracht / Ob sie nu Landen vnd Leuten in  
dem nicht trewloß worden / wollen wir alle  
ynparteiße ehrliche Leute ermessen lassen /  
So haben wir ihnen nie kein Eide noch  
pflicht gethan / seind auch vnser Herren vnd  
Obigkeit nicht gewesen. Worauff end wel-  
cher gestalt wir einem Ertzbischoffe die hul-  
dunge thun / ist hiebevor angezeit / Wiewol  
die Rhumherren allewege bei den Ertzbi-  
schoffen



schaffen nicht wenig angehalten/vns an vnsern alten herbrachten freiheden vnd gerechtigkeiten zu hindern. Was wir an Sachsen rechten/freiheden/gerechtigkeiten vnnnd gewonheiten wol herbracht / des thun wir Egen Weilandt den hochlöblichen Röm. Key. vnd Rō. vns aller vnterthenigst bedanken/wollen vns auch in allerwege / alles gebürlichen schuldigen gehorsams in aller vnterthenigkeit verhalten / Was wir auch Egen einem Ertzbischoff zu Magdeburgk/vnd dem Ertztzift zuthun schuldig / des wollen wir vns aller gebür vnd vnuerweislichen erzeigen. Diuweil aber die Thumpfassen zu Magdeburgk in den Abgöttereien so stecken/auch die gerne haben vnnnd behalten wolten/somögen sie wol die rechten halsstarrigen sein/so vmb jres zeitlichen prachts vnnnd rieschen vnzüchtigen lebens willen / Gott verlassen/ wie die Heiden/ Türcken / auch die falschen abtrünnigen Christen gethan haben/vnd noch thun. Dis haben wir zu vnser warhafftigen antwort vnd Egennotsurfft menniglichen nicht wollen verhalten/Vnnnd bitten vntertheniglichen/dienstlichen vnd freundlichen diese ding vnparteilich vñ christlich zu richten / vnd seind einem jedern nach seinem stande in vnterthenigkeit vnnnd freundlichen zu dienen gantz willig/Datum Magdeburgk Sonnabents am tage Lucie/ den 13. Decembris/ Anno Domini 1550.

Psalm. XLVI.

Der Herr stewart den Kriegen im  
Gallen Welt / der Boggen zucht /  
Spieße zuschlecht / und wagen mit Feind  
zu strecken.  
Der Herr Sebaoth ist mit uns / Der  
Herr Jacob ist unser Schutz / Selu.

